

ECO'R WYDDFA

RHIF 23

MAWRTH 1978

Pris: 10c

YMWELIAD RHYFEDD

BOB nos ers tri mis bellach mae gwraig tŷ ym mhentref Llanrug yn methu'n lân â chael gafael ar ei chwsg o ganlyniad i'r hyn a welodd ei gŵr a hithau yn yr awyr nepell o'u cartref.

Mae'r stori'n dechrau am tua hanner awr wedi deg ar noson dawel, serog fis Tachwedd diwethaf. 'Roedd Mr. Glyn Roberts, Teras Hermon, newydd gadw'i gar yn ei iard lo ger croesffordd Glan Moelyn pan welodd olau mawr melyn yn yr awyr yn dod o gyfeiriad Llanberis. Ar y cychwyn, yn naturiol ddigon, meddyliodd mai hofrennydd ar ei ffordd yn ôl o'r mynyddoedd i'r Fali ydoedd, ond yn fuan sylweddolodd, gyda pheth ofn, fod y peth yn teithio'n llawer rhy araf i hynny fod yn wir. Yr hyn a anfonodd iasau i lawr ei gefn oedd y ffaith na chlywai sŵn o unrhyw fath.

Daeth y peth yn agosach gan aros yn llonydd, tua hanner milltir i'r awyr, meddai Mr. Roberts, uwchben Parc Beili. Gwelai ryw-beth tebyg i bêl fawr felen a chynffon bigfain y tu ôl iddi. Ar y gynffon yma, a ymddangosai'n dywyll iawn, hyd yn oed ar gefndir tywyll y nos, 'roedd cylchoedd bychain golau (gweler llun).

Ar ôl bod yn yr un safle am tua dau funud trodd y gwrthrych gan symud yr un mor dawel ac araf ag o'r blaen i gyfeiriad Waunfawr a


Cheunant. Pan ddiplannodd o olwg Mr. Roberts, brysiodd am adref.

Dywedodd Mrs. Roberts wrth yr *Eco* nad oes llawer o bethau yn cyffroi ei gŵr. "Ond y noson honno", meddai, "pan ddaeth i'r tŷ, 'roedd yn amlwg fod rhywbeth wedi ei ddychryn." Pan aeth y ddau allan i ddrws y tŷ gwelant fod 'y peth' wedi gwneud un tro mawr unwaith eto am Lanrug. "Roedd yn union fel pluen yn symud drwy'r awyr," meddai Mrs. Roberts. Arhosodd yn llonydd un-



Mr. a Mrs. Glyn Roberts

waith eto mewn safle fyddai uwchben Bryn Llan. Bu yno a rai munudau, a'r tro hwn, oherwydd ei agosrwydd gallai Mr. Roberts weld rhywbeth tebyg i wifrau gloyw ar flaen y bêl felen.



Dyma lun symliedig a dynnodd Mr. Glyn Roberts yn arbennig ar gyfer yr *Eco*, o'r hyn a welodd. "Profiad a fydd ar fy nghof am byth", meddai.

I holl ddarllenwyr yr Eco

Cynhelir

CYFARFOD CYFFREDINOL BLYNYDDOL

nos Iau, Mawrth 9fed am 7.30 p.m.

yn

Ysgol Gwaun Gynfi Deiniolen

Cofiwch mai eich papur chi ydi o
Dowch yn llw!

Er ei bod wedi dychryn, penderfynodd Mrs. Roberts beidio galw ar gymdogaes iddi rhag ofn iddi boeni'n ormodol o weld y gwrthrych. Dyna'r rheswm hefyd pam na ddywedodd yr hanes yn syth wrth ei dwy ferch. Aeth i'r tŷ a ffonio'r heddlu. "Nid oedd y plismon ar ddyletswydd ac ni ddaeth acw," meddai Mrs. Roberts. "Felly, ni oedd yr unig rai, am wn i, i weld y peth 'ma."

Daeth yn fater cyhoeddus pan ddywedodd eu merch yr hanes wrth un o'i hathrawon yn Ysgol Brynrefail ac yn ddiweddar gwnaethpwyd eitem ar y digwyddiad ar raglen radio foreol.

Dywedodd Mrs. Roberts ei bod "yn cael ei denu i'r ffenest bob nos", weithiau o'i chwsg, i chwilio'r awyr am y ffurf rhyfedd a welodd. Nid yw wedi gweld 'y peth' wedyn ond profiad rhyfedd, meddai hi, yw eistedd yn y ffenest ffrynt am oriau i ddisgwyl ymddangosiad arall - a dim rheolaeth ganddi dros y sefyllfa.

Stori Mr. a Mrs. Glyn Roberts yw'r un fwyaf manwl ei disgrifiad i ddod i glyw yr *Eco*. Ond rhaid pwysleisio fod pobl eraill yn y fro wedi cael profiadau tebyg yn y gorffennol, rhai ohonynt wedi gweld ffurfiau tebyg i'r hyn a welodd Mr. a Mrs. Roberts ac eraill wedi gweld pethau tra gwahanol. Mae llawer o sôn hefyd, yn y papurau dyddiol y dyddiau yma am bobl mewn gwahanol rannau o wledydd Prydain yn gweld gwrthrychau anarferol yn yr awyr.

Gwahoddwn chwi, drwy golofnau'r *Eco* i roi eich sylwadau neu i sôn am unrhyw brofiad personol a gawsoch yn y maes diddorol a rhyfedd yma.

Swyno'r Albert Hall



Cafodd aelodau parti Cân Actol Ysgol Gwaun Gynfi ddiwrnod bythgofiadwy ddydd Sadwrn, Chwefror 25 pan gawsant lwyfan Neuadd Albert Llundain iddynt eu hunain. Ond cafodd y dyrfa fawr o tua 7,000 fwy o

wefr wrth wrando ac edrych arnynt hwythau yn perfformio.

Cawn ninnau yn y fro hon gyfle i'w gweld unwaith eto pan ymddangosant ar lwyfan Ysgol Brynrefail ar nos Iau 16 o Fawrth mewn cyngerdd arbennig



gan aelodau o Glwb Rygbi newydd yr ysgol.

Yn ymddangos gyda hwy ymhlith artistiaid eraill, a phlant Ysgol Brynrefail bydd Hogia'r Wyddfa. Dyma'r tro cyntaf iddynt hwy berfformio yn y

fro ers pum mlynedd. Mis Awst diwethaf y penderfynodd yr Hogia ailgychwyn yn achlysurol ac maent wedi llenwi neuaddau mawr ar hyd a lled Cymru oddi ar hynny.

ECO'R WYDDFA

RHIF 23 MAWRTH 1978

Golygydd:
Arwel Jones,
Gwên-y-Wawr,
Glanffynnon,
Llanrug.

Ffôn: Caernarfon 3719

Is-olygydd:
Twrog Jones,
Pros Kairon,
Glanffynnon,
Llanrug.

Ffôn: Caernarfon 4051

Argraffwyd gan Wasg Gwynedd,
Nant Peris.

Cyhoeddwyd gyda chymorth Cymdeithas Gelfyddydau Gogledd Cymru.

Gyda diolch i'r canlynol am eu rhoddion caredig i'r Eco.
£2: Mr. a Mrs. R.J. Williams,
Kenya, Llanberis.

DYSGWYR

Mae Pwyllgor Dysgwyr Eisteddfod Genedlaethol Frenhinol Cymru, Caernarfon a'r Cylch yn cynnal Noson o Gaws a Gwin yn Neuadd Tanybont, Caernarfon, nos Fercher, Mawrth 8ed am 8 o'r gloch. Dangosir ffilm ar hanes yr Eisteddfod a bydd dau ganwr pop Cymraeg enwog yn canu yno. Dyma yw gweithgaredd gyntaf Pwyllgor y Dysgwyr a'r bwriad yw codi hwy! at yr Eisteddfod. Mae croeso cynnes i bawb - y di-Gymraeg a'r Cymry Cymraeg. Dewch i gyd! Pris tocyn yw 50c a gellir eu cael gan:

Mrs. Bethanne Williams, Disgwylfa Ffordd yr Orsaf, Llanrug; Mr. Gareth Williams, Yr Hendre, Dolydd, Groeslon (Llanwnda 830 698); Mrs. Gweneirys Jones, Cartrefle, Waunfawr; Mrs. Nona Breese, Drws-y-Coed, Bontnewydd.

MUDIAD YSGOLJON
MEITHRIN ARFON

Nos Iau, 16 Chwefror yng Nghanolfan Penrallt, Caernarfon cynhaliwyd y pedwerydd cwrs dan nawdd Pwyllgor Arfon o'r Mudiad. Croesawyd pawb yno gan Lywydd Arfon, Mrs. Gwenda Davies, Tregarth. Y Wraig Wadd oedd Mrs. Gwennan Owen, Aberystwyth, cynrychiolydd cenedlaethol y Mudiad, a thestun ei sgwrs oedd "Offer o Ddim" Cafwyd arddangosfa ganddi o bethau defnyddiol dros ben i'w gwneud - o focsys matsys i focsys cardbord mawr. Gwelsom boppy a dresel bwrpasol iawn i'r 'Tŷ Bach Twt', a gostiodd ond rhan fechan o'r hyn a delir yn y siopau amdanynt. Dywedodd Mrs. Owen fod pob offer yn yr Ysgol Feithrin yn degan addysgiadol - waeth beth yw ei ddeunydd. Gwelsom fod gwerth mewn cadw pob boc a rholyn o unrhyw fath! Diolchwyd i Mrs. Owen am noson ddefnyddiol iawn gan Mrs. Janet Williams o Gylch Bethesda a pharatowyd paned o de gan Gylch y Groeslon. Penderfynwyd cynnal Gweithdy i wneud rhai o'r teganau yma "o ddim" yn ystod mis Mai.

LLYTHYRAU

Annwyl Olygydd,
Y CWCH LLECHI

Yn eich adroddiad am y cwch llechi a godwyd o'r llyn dywedwch: "nid oes cofnod o'r cwch-ddrylliad i gael yn unman, ac felly ni all yr arbenigwyr ond dyfalu beth a ddigwyddodd yn union". Dywed William Williams yn ei Hynafiaethau a Thraddodiadau Plwyf Llanberis ar Amgylchoedd a gyhoeddwyd yn 1892: "nid bob amser y gellid mordwyo'r llyn heb gyfarfod â damweiniau galarus. Bu felly aml i dro gyda chlodwyr y llechi ar rhai o fordwyant wrth fyned a dyfod at eu gorchwylion. Dywedir am un morwr a'i ferch wrth gludo llechi pan ar ganol y llyn y suddasant fel carreg i'r dyfnder, ac nis gwelwyd hwy mwyach. Gŵr hyf oedd ef, ebe'r hanes; er fod y dydd yn un gerwin, yn hytrach nag ufuddhau i wahoddiadau amryw o'r lan, dyma ddywedai ef: "Nid oes

digon o ddwfr mewn cragen fel llyn Llanberis i'm boddi i", ac ymaith ag ef yn ei afiaeth ynfyd. Buan y dealodd ei gamsyniad."

Â William Williams ymlaen i ddweud: "Yn Goleuad Cymru am 1822, pan gyda'r un gorchwyl, dywedir i un Hugh Roberts, Llanrug foddi, ac o'r braidd y diangodd Griffith Owen, a'i fab, rhag yr un aflwydd." Tybed mai un o'r ddau gwch hyn ydyw'r cwch a godwyd? Rwyf yn rhyw feddwl mai yn Nyddlyfr yr hen Griffith Ellis, oedd yn oruchwyliwr y Chwael o 1810 hyd ei farwol-aeth yn 1860, y cafodd William Williams ei wybodaeth. Ond nid wyf yn sicr. Tybed a oes 'na rywun o blant y gymdogaeth tua Aberystwyth fuasai'n barod i fynd i'r Llyfrgell Genedlaethol i archwilio Goleuad Cymru 1822?

Herbert Thomas.

7 Stryd Turner,
Llanberis.

Annwyl Mr. Golygydd,

Trwy ryw anffawd o gwmpas y Nadolig a'i brysurdeb aeth fy llythyr cynta' ar goll rhywsut.

A chan mai llythyr fy nau frawd Arthur Thomas, a David John Thomas ynglŷn â'n tad (yn rhifyn mis Hydref o'r Eco) a barodd i mi ysgrifennu, hwyrach bydd mwy o lwc ynglŷn â hwn!

Roeddwn innau wrth fy modd gweld Mrs. Mary Lloyd Williams wedi sôn am ein tad, R.O. Thomas Dinorwig yn ennill y "Challenge Solo" ym Mhafiliwn

Caernarfon ym 1920. Un o hogia Bwlch Gwynt oedd, a byddent i gyd yn mwynhau cerddoriaeth. Edrychwn i fyny ar fy nhad, gan ei addoli bron; fi oedd ei unig ferch wrth gwrs, a chawn lawer o sylw ganddo.

Diolch o galon i Mrs. Williams am ddod â'r hen amser hapus yn ôl i'm meddwl.

Yn gywir,
Eluned Rowlands.

O.N. Carwn hefyd ddiolch i bentrefwyr Llanberis a'm cydweithwyr, ac yn arbennig i Yvonne am eu caredigrwydd i mi yn fy ngwaeledd yn ystod mis Medi.

Gŵyl Basg Adfer

MAWRTH 30 - EBRILL 1
CANOLFAN CYMDEITHASOL DINORWIG

Nos Iau, Mawrth 30 - 7.30

YMRYSON Y BEIRDD

Timau: Llais Ogwan, Llew ac Eco'r Wyddfa
Tarian Adfer Bro Chwareli

Pnawn Gwener, Mawrth 31 am 2.00
GÊM BÊL-DROED - Cae Penisarwaun

Nos Wener, Mawrth 31 am 7.30

NOSON LAWEN

Doniau Bro Dinorwig a'r Cylch
Tecwyn Ifan
Glyn Williams

Bore Sadwrn, Ebrill 1 am 10.00
TAITH NABOD BRO (Cychwyn o'r Ganolfan)

Pnawn Sadwrn, am 3.00
CYFARFOD CYFFREDINOL i'r aelodau

Nos Sadwrn, am 7.30
DAWNS

Annwyl Olygydd,

Gan i John Evans, Clwt-y-bont
lunio cerdd mor gywrain i mi ar fy
ymddeoliad, a gaf fi roddi fy
fersiwn fy hunan o'r digwyddiad?

YMDDEOLIAD

Bûm am flynyddoedd meithion
Yn crwydro lonydd Arfon,
O'r priffyrdd llyfn i'r gulffordd fach
Gan gadw'n iach a bodlon.
Bu'n amser caled weithian,
Ac eto'n hynod ddiddan,
A stŵr a miri hyd y ffyrdd
A myrdd o droeon trwstan.
'Roedd crinddail Hydref beunydd
Yn disgyn yn gawodydd
Pan ar fy hynt dechreuais i
I rodio'n ffri y gwaunydd.
A hel y dail a'u tocio
Y bûm ar hyd yr henfro,
A thorri'r hen fieri arch
Na deimlent barch i'm heiddo.
Ond Gaeaf ddaeth yn sydyn,
A gwynt a glaw i'w ganlyn;
Y ffos yn ddu a llawn o ddŵr
A stŵr y gwynt diderfyn.
Ac ambell gwtter ddfilas
A'i chwmp yn bur anaddas,
Trybaeddu yn y mwd a'r baw,
A'r glaw yn lluwch o'n cwmpas.
Ac yna'r rhew a'r eira
Yn troi y ffyrdd yn dagfa,
A lluchio gro a llwch ymhell
I geisio gwell tramwyfa;
Neu chwalu'r eira lluwchiog
Yn wneuthur llwybrau troellog
A dim cyfnerthiad gwell i'm llaw
Na rhaw a min'y matog.
Ond daeth y Gwanwyn hyfryd
Yn iolas trwy y gweryd,
A llon eu llef oedd côr y wig
A miwsig lenwai 'mywyd.
Daeth hyrddwynt Mawrth bryd hynny
A'r ffyrdd i gyd yn sychu,
Ond llwch a llaid yn llond fy ffroen
Ddiddymai'r hoes, a'm mygu.
Ond wedi'r gwynt fynd heibio
Daeth egwyl braf i dwtio,
Gan agor ffos a chodi clawdd,
A'r ochrau'n hawdd i'w seidio.
A'r Haf a'i des yn danbaid,
A'r chwys yn llenwi'm llygaid
Wrth daenu graean ar dar du
Rhag glynu'n ddianghenraid.
A thorri'r ochrau beunydd,
O fore glân hyd nawnddydd,
A moli awch y cryman llym
A'i rym wrth drin y prysgwydd;
Neu wrando'i siffrwd cyndyn
Wrth lorio'r gwair a'r rhedyn,
A cholli min trwy drawiad teg
Â charreg neu hen wreiddyn:
Ail-hogi ar ôl tuchan,
A throi y dur yn arian,
Gorchestu yn yr arfod lân
A droesai'n gân y cyfan.
Cael 'paned yn ei hamser
Wrth ymyl gwrych neu gwter,
'Doedd ond y nef yn gysgod im
A dim ar dywydd after.
Ond daeth yn Hydref eto
A blwyddyn wedi treiglo
Ail-ddechrau gyda'r brws a'r rhaw
I hel y baw a'i gliro.
Fel yna'r symud dyddiol,
Y gwaith yn wir amrywiol;
Ni raid i neb syrffedu'n rhwydd
Mewn swydd mor gyfnewidiol.
Y dyddiau ddfiflanasant,
Blynnyddoedd ni ddychwelant,
A dyma fi heb boen na chur
Yn segur yn fy seibiant.
Yr arfau rydant bellach,
A'r ardal sydd yn flerach,
Ond wiw i neb fy meio i
Myfi yw'r mistar mwyach.

Idris Owen,
Minffordd,
Penisarwaun.

LLANRUG

Y CARNIFAL — Cynhaliwyd Pwyllgor y Carnifal ddiwedd y mis i gwlblhau gwaith y flwyddyn 1977, a chyfrannwyd rhan o'r elw oedd yn weddill i'r canlynol: Clwb Snwcer Llanrug: £20; Ysgol Pendalar, Caernarfon: £10; Cronfa Rigarug: £10. Cynhelir Cyfarfod Blynnyddol Cyffredinol yn yr Ysgol Gynradd, nos Fawrth, Mawrth 7 am hanner awr wedi saith. Erfynnir am gefnogaeth deilwng o'r ardal os am sicrhau Carnifal 1978. Pe byddai pob Cymdeithas a Chlwb a dderbyniodd gyfraniad yn ystod y tair blynedd ddithaf yn anfon dau neu dri cynrychiolydd, byddai'n rhwyddach cynnal Carnifal llewyrchus. Prif amcan yr Wythnos Garnifal yw sicrhau Gwledd Nadolig i'r henoed.

CLWB BLODAU'R GRUG — Bydd y cyfarfod nesaf ddydd Iau, Mawrth 9 yn y Sefydliad Coffa ac fe fydd gŵr gwadd i annerch.

DOSBARTHIAU CONFFIRM-ASIWN — Y mae dosbarthiadau gogyfer â'r Conffirmasiwn ym mis Mehefin wedi dechrau. Bydd ei Ras Archesgob Cymru yn ymweld â'r plwyf ym mis Mehefin i weinyddu'r Sacrament yma. Bydd dosbarth i oedolion yn dechrau cyn Gŵyl y Pasg.

CYMDEITHAS LENYDDOL, Y CAPEL MAWR — Cafwyd noson fendithiol iawn o dan arweiniad Mr. Ieuan Ellis Owen, L.I.B., y Ffôr — un o blant y Capel Mawr a mab Mr. a Mrs. W. Ellis Owen, Bryn Maen. Cyflwynodd Mr. Owen ddisgrifiad byw a chartrefol inni o'i waith fel cyfreithiwr. Gofynnwyd nifer o gwestiynau i'r siaradwr a chafwyd trafodaeth fuddiol iawn. Llywyddwyd y cyfarfod gan Mr. Iolo Llywelyn, M.A., Pantafon Bach. Diolchwyd gan y Parch. W.O. Roberts a Miss L.M. Hughes, Ganllwyd.

MERCHED Y WAWR — Cyfarfu'r gangen yn y Sefydliad Coffa, nos Fawrth, Chwefror 14, gyda Mrs. Nansi Lovatt yn y gadair. Yn absenoldeb y siaradwr gwadd rhoddwyd sgwrs gan Mr. Iddwal Williams ar Nigeria. Diolchwyd iddo gan Mrs. Inigo Jones. Bydd y cyfarfod nesaf ar yr ail nos Fawrth o fis Mawrth yn yr Ysgol Gynradd pan fydd yr aelodau yn cymryd rhan ar ffurf Brethyn Cartref. Darperir llunïaeth. Diolchwyd i'r gwestwragedd gan Mrs. Mary Lloyd Williams.

GWELLHAD BUAN — Bu Mrs. Jane Williams, Bryn Eifion yn yr ystyby yn ddiweddar. Dymunwn adferiad llwyr a buan iddi.

NEWYDDION Y SEINDORF — Llongyfarchiadau i'r Seindorf ar ddod yn bumed allan o un ar bymtheg mewn cystadleuaeth yn Bolton ar Chwefror 19. Dim ond pedwar marc oedd rhyngddynt a'r cyntaf. Maent yn cystadiu yn Pontins, Prestatyn ar y 24 o Fawrth. Pob lwc iddynt.

Cynhelir 'Noson Gaws a Gwin' yn y Cwt Band nos Fawrth, Ebrill 4ydd a cheir adloniant gan aelodau o Barti Eryri.

YM MHLAS HEDD, BANGOR — Deallwn fod Mrs. Mabel Owen wedi cael ei symud i Blas Hedd, Maesgeirchen, Bangor a'i bod wedi gwella'n lled dda erbyn hyn. Anfonwn ein cofion ati a gobeithiwn ei gweld o bryd i'w gilydd.

UNDEB Y MAMAU — Cynhaliwyd gwasaeth Undeb y Mamau yn Eglwys Sant Mihangel ar Wyl Fair y Canhwyliau, Chwefror 2il. Arweiniwyd y gwasanaeth gan y Rheithor a rhoddwyd yr anerchiad gan y Parch. Jeffrey Hughes, Curad Caernarfon. Thema ei anerchiad oedd pwysigrwydd yr Wyl arbennig hon i'r Eglwys ac eglurodd rai o'i hen arferion ym mywyd crefyddol a bydol y genedl. Trefnwyd llunïaeth ysgafn yn

y Rheithordy gan Mrs. D. Pierce, Glanrafon. Diolchwyd gan Mrs. Williams, Y Rheithordy.

SEIAT IEUENCTID — Nos Fercher, Chwefror 1af yn Ffestri Capel Mawr, o dan nawdd Cyngor Eglwys i'r Cylch cafwyd selat fendithiol o dan arweiniad y bobl ieuainc. Gwnaed coffad dwys ar ddechrau'r Seiat i'r diweddar Mr. Thomas Evans, Lloc gan y Parch. W.O. Roberts a chydymdeimlodd ar ran eglwys i'r ardal â Mrs. Evans a'r teulu yn eu trallod. Trefnwyd y selat gan Mr. Ifan R. Roberts, Tŷ Capel a chymerwyd rhan mewn gogoneddu Duw a thystiolaethu gan Mr. Arfon Jones, Waunfawr, Mrs. Catrin Roberts, Tŷ Capel, Mr. Bryn Williams, Tanygaer, Miss Eleri Williams, Tanygaer ac eraill. Teimlodd pawb oedd yno, yn hen ac ieuainc, iddynt gael bendith, a mynegodd amryw ddymuniad i gael cyfarfod tebyg yn fuan.

Y GOBEITHLU — Cafwyd dau gyfarfod. Dechreuwyd trwy ddefosiwn gan Anwen Davies, Llwyn, Karen Davies, Dwyfor, Susan Jones, Nant-y-Glyn a Nia Wyn Jones, Wern. Yn y cyfarfod cyntaf dangoswyd dwy ffilm, sef 'Hanes Troedigaeth Saul o Darsus' a 'Gwraig i'w Chofio' gan Mrs. W.O. Roberts, gyda Mr. John Williams, Gwleddfa yn gofalu am y taflunydd. Yn yr ail gyfarfod, cymerwyd rhan gan y plant mewn canu ac adrodd, yn unigolion a phartion. Hyfforddwyd hwy yn nhonau'r Detholiad gan Mrs. Mair Jones, Ogwen, a hi oedd yn cyfeilio yn y ddau gyfarfod. Llywyddwyd gan y Gweinidog.

GENI — Ganwyd dwy ferch yn y pentref: Sharon, merch Mr. a Mrs. Edwin Jones, 19 Bro Rhythallt a Catrin Angharad, merch Mr. a Mrs. Dylan Hughes, 2 Tai Cwalia. Llongyfarchiadau i'r rhieni.

MARWOLAETH — Dydd Sul, Ionawr 29, bu farw Mr. Thomas Evans, Lloc, 12 Ffordd Glanffynnon. Estynnwn ein cydymdeimlad diffuant i Mrs. Evans, y mab a'r teulu oll.

CYDYMDEIMLAD — Ein cydymdeimlad llwyraf â Mr. a Mrs. Roberts, Ceris, ar farwolaeth mam Mr. Roberts.

Y GYMDEITHAS UNDEBOL — Nos Fawrth, Chwefror 21, y siaradwr gwadd oedd Mr. John Evans, Clwt-y-bont. Ei destun oedd 'Hanes Bro'r Chwarel'. Diolchwyd iddo gan Mr. T.W. Thomas, a Mr. Emrys Owen. Y Llywydd oedd Mr. Ifor Williams, Gwelfryn.

LLONGYFARCHIAU — I Mr. Leonard Hughes, mab hynaf Mr. a Mrs. William Hughes, 3 Bryn Afon ar achlysur ei briodas â Miss Lindsay Ann Hammond, Portsmouth. Dymunwn bob hapusrwydd iddynt yn eu cartref newydd yn Chesterfield.

MARWOLAETH — Nos Fawrth, Chwefror 21, yn frawychus o sydyn, bu farw Mrs. Megan Jones, 20 Glanffynnon, gwraig y diweddar Mr. Griff Jones (gynt o Isallt, Deiniolen), mam Gwenda a John, a mam-yn-gnhyfraith David. Ein cydymdeimlad dwysaf â'r teulu yn eu profedigaeth.

LLONGYFARCHIAU — I Gwyndaf Owen, mab Mr. a Mrs. Edward Owen, Ferndale, Ffordd Glanffynnon a Glenda Ann Hughes, merch Mr. a Mrs. Kyffin P. Hughes, 49 Dôl Elidir, Llanberis, ar achlysur eu dyweddiad ar ddiwrnod Sant Ffolant. Dymuniadau gorau oddi wrth y ddau deulu.

BRYSIWCH WELLA — yw ein dymuniad i Mrs. G. Williams, 17 Bro Rhythallt sydd ar hyn o bryd yn derbyn triniaeth yn Ysbyty Môn ac Arfon, Bangor.

PLAID CYMRU — Cynhaliwyd cyf-

arfod o Bwyllgor Cangen Plaid Cymru, nos Fercher Chwefror 22. Mynegwyd syndod bod y Torfaid yn y Senedd ynghyd â rhai aelodau Llafur wedi pleidleisio yn erbyn polisi'r Llywodraeth ar ddatganoli. Bydd cynnig newydd yn golygu bod perchnogion Tai Haf, pobl i ffwrdd ar wyliau neu fusnes, pobl wael heb bleidlais bost a hyd yn oed y meirw yn cael eu cyfrif yn erbyn cynnig y Llywodraeth mewn refferendwm.

Trefnwyd rhaglen ar gyfer y misoedd nesaf.

LLONGYFARCHIAU — i Mena a Clwyd Ellis, y Rhyl ar enedigaeth merch fach, Nia Clwyd Ellis. Mae gan y fam (Mena Pritchard gynt) gysylltiad â'r fro. Magwyd Mena yn Llanrug.

EISTEDDFOD YSGOL BRYNREFAIL



Julie Leatherbarrow gafodd y mwyafr o farciau yn nosbarthiadau 1, 2 a 3.



Dewi Williams — y mwyafr o farciau yn nosbarthiadau 4, 5 a 6.

CWM-Y-GLO

LLONGYFARCHIAU — i Mrs. Sheila Seyd, Bwlch Cottage ar ennill gradd B.A. y Brifysgol Agored mewn Dyneiddiaeth. Mae'n bwnc eang, ac o'r herwydd wedi golygu cryn ddyfalbarhad. Llawnhawn yn ei llwyddiant gan ddymuno'n dda iddi i'r dyfodol.

Llongyfarchiadau hefyd i blant a phobl ifanc y Cwm a fu'n llwyddiannus yn Eisteddfod Ysgol Brynrefail.

Hefyd Mr. a Mrs. Green, Groeslon ar enedigaeth mab, John — brawd i Carl a Sharon.

GWELLHAD BUAN — Dyna yw ein dymuniad i'r rhai canlynol: Miss Blodwen Williams, Afallon, sydd wedi bod yn Ysbyty Dewi Sant, Bangor dros dro. Mrs. Evans, Arosfa, a dderbyniodd beth anaf mewn damwain yn ei chartref. Mr. Arthur Vaughan Williams, Mona, a Mr. Aled Evans, Tŷ Newydd, y ddau wedi bod yn analluog i weithio ers peth amser.

Da gennym ddeall fod amryw eraill yn gwella'n foddhaol, yn cynnwys Barry, bachgen bach Mr. a Mrs. R. Hughes, 10 Dolafon, a gafodd ddamwain ar y ffordd.

DYWEDDIAD — Dymuniadau da'r pentref i Irene Vaughan, unig ferch Mr. a Mrs. Arthur Vaughan Williams, Mona, ar ei dyweddiad â Steven Charles, mab Mr. a Mrs. A. Price, Rochdale.

CYDYMDEIMLO — Cydymdeimlwn â Mr. a Mrs. Len Parry, Hebron a'r teulu ar farwolaeth modryb Mr. Parry ym Mrynrefail.

Hefyd â Mr. a Mrs. Evans, Arosfa, Craig y Don ar farwolaeth chwaer Mrs. Evans yn Birmingham.

UNDEB Y MAMAU — Bu Gwasanaeth y Cymun Bendigaidd i Aelodau Undeb y Mamau yn Eglwys Sant Gabriel yn ddiweddar. Y Rheithor a weinyddai ac fe ganwyd yr organ gan Miss C. Hughes.

DOSBARTHIAU CONFFIRMASIWN — Eisoes y mae dosbarthiadau ar gyfer y Conffirmasiwn yn Llanrug ym mis Mehefin wedi dechrau. Os oes rhywun neu rywrai yn awyddus i gael eu conffirmio, dyma'r adeg i ymuno.


CYSTADLEUAETH Y MIS

Llunio brawddeg o ugain gair gyda phob gair yn dechrau â'r llythyren "D". Mae'n bosibl. Y cynnig cyntaf a ddaw allan o'r het i ennill £1. Gyrrwch eich cynigion ynghyd â'ch enwau a'ch cyfeiriad i: Mr. E.O. Thomas, 15 Ffordd Tŷ Du, Llanberis. Diffoddwch yr hen deledu 'na, a meddyliwch, da chi!

GORS BACH PANEL BEATING SERVICE Cwm-y-glo

Ffôn: LLANBERIS 814

GWASANAETH TORRI-LAWR
24 AWR



WAUNFAWR

MERCHED Y WAWR — Ar nos lau, Ionawr 26, cafwyd noson gyda Mr. Derek Rees o Gaernarfon yn dangos sut i drin gwallt. Enw Mrs. Catherine H. Jones, Bryn Meurig a ddaeth allan o'r het i fod yn fodel iddo, ac edrychai'n bert iawn ar ôl y driniaeth. Llywydd y noson oedd Mrs. Gillian Wyn, Y Frenni, a gafaiwyd am y te gan Mrs. Beryl Jones, Dôl-y-Coed; Mrs. Carys Jones, Saron Wen; Mrs. Carys Owen, Bod Arfon a Mrs. Glenys Jones, Rhodri Mwyn. Enillwyd y raffi gan Mrs. Olwen Williams, Lliadart Wen a Mrs. K. Wyn Jones, Bron Eilian a dalodd y diolchiadau.

Trefnodd y gangen 'De a Chrempog' yn Neuadd yr Eglwys a rhoir yr elw i Gronfa Leol yr Eisteddfod Genedlaethol.

SEFYDLIAD Y MERCHED — Yn yr yrfa Chwist a drefnwyd i godi arian i Gronfa Leol yr Eisteddfod Genedlaethol enillwyd y prif wobrwon oedd: 1. Mrs. Katie Jones; 2. Mr. M. Lannon; 3. Mr. W.J. Williams. Enillwyd y Wobr Arbennig oedd Mr. Selwyn Griffith ac enillwyd y Raffiau oedd Mr. Iorwerth Jones a Mr. Keith Owen. Mr. O.T. Jones oedd yr M.C.

Yng nghyfarfod mis Chwefror diolchodd y llywydd, Mrs. K. Wyn Jones i Mrs. Beti Griffith am ymgymryd â'r ysgrifenyddiaeth a chroesawodd ymwelwyr i'r cyfarfod. 'Roedd Mrs. Jones wedi llunio cwis a chafwyd noson hwyliog yng nghwmni Cangen Caeathro. Enillwyd y Raffi a roddwyd gan Mrs. C.A. Jones, oedd Mrs. Roberts o Gaeathro, a Mrs. Peggy Jones enillodd y gystadleuaeth gwaith llaw.

CLWB GWYRFAI — Yng nghyfarfod cyntaf y flwyddyn croesawodd y llywydd, y Parch. E. Trefor Jones, yr aelodau a chawsant ddwy sgwrs ddi-ddorol gan Mrs. Mat Pritchard, Rhosbodrual ar Capelulo a Robert Jones, Llanllyfni. Mrs. Jones, Pant a dalodd y diolchiadau. Enillwyd y raffi, a roddwyd gan Mrs. W. Lloyd Jones gan Mr. O. Williams. Mrs. Lewis, Tŷ 'Sgody, Miss Roberts, Glan Aber a Mrs. M.O. Parry Williams oedd yn gofalu am y te.

Chwefror 2 cafwyd sgwrs gan Dr. Emlyn Owen, Geriatrydd Ymgynghorol Gwynedd, ar sut i ymgodymu â heneiddio a'r gwasanaethau sydd ar gael pan fydd eu hangen. Mrs. Miles oedd y llywydd a Dr. Miles ddiolchodd i Dr. Owen am ei sgwrs. Mrs. Pritchard, Betws Garmon a Mrs. Jones, Pant oedd yn gyfrifol am y te, a Mrs. Faulkner enillodd y raffi a roddwyd gan Mrs. Hughes, Dolafon.

Chwefror 16, Mr. Wyre Thomas, Cynhyrchydd Rhaglenni Radio a Theledu gyda'r BBC oedd yn sôn am y dulliau sydd ganddynt i gasglu newyddion ac am y datblygiadau tebygol ym myd darlledu. Y Parch. E. Trefor Jones oedd yn llywyddu a Mrs. M. Vaughan Jones yn diolch. Rhoddwyd y te gan Mrs. M. Slaven, Miss Gwladys Lewis a Miss Owelida Williams. Enillwyd y raffi a roddwyd gan Mrs. Roberts, Elwy House, oedd Miss Katie Roberts, 27 Tref Eilian.

Y GYMDEITHAS — Ionawr 23 — treuliodd noson ddifyr yng nghwmni Mr. O.E. Evans, Llanrug yn siarad ar 'Addurno Ffynhonnau' ac yn dangos lluniau campus ohonynt. 'Roedd gweld esiamplau modern o'r hen grefft hon yn Swydd Derby yn agoriad llygad i'r aelodau. Llywyddwyd gan Mr. R.E. Jones a diolchwyd i Mr. Evans gan O.T. Jones.

Mr. Jones, hefyd, oedd yn llywyddu i Mr. Robert Williams, Rhosbodrual yn y cyfarfod ar Chwefror 6. Testun Mr. Williams oedd 'Yr Aifft a Gwledydd y Dwyrain Canol', lle y treuliodd o fis oedd lawer yn ystod y Rhyfel. Noson

ddifyr iawn fel y dywedodd Mrs. Roberts, Bod Idris wrth ddiolch iddo.

I ddiweddu'r tymor aeth nifer fawr o'r aelodau i Erw Fair, Llanberis am Gyw Iâr mewn Basged ac Adloniant ysgafn ar ei ôl. Noson hwyliog yng nghwmni 'Dilys ac llud a Huw' — a heb anghofio Martha' a Katie. Dyfarnodd Rol mai Mrs. M. Awstin Jones plau hi ar y 'Llinell Goll' a'i bod yn deilwng o'r Goron. Diolchodd Mr. W. Vaughan Jones i bawb a wnaeth y cyfarfod a'r tymor yn un morllwyddiannus.

EISTEDDFOD GENEDLAETHOL '79

— Ar wahân i'r ymdrechion a wneir gan y gwahanol fudiadau yn yr ardal i gasglu arian i'r gronfa leol y mae'r pwyllgor ei hun yn trefnu ei weithgareddau ei hun. Trefnwyd Noson Goffi lwyddiannus yn Neuadd yr Eglwys ar Chwefror 10 gan ferched y pwyllgor dan lywyddiaeth Mrs. K. Wyn Jones, a gwnaed elw o dros £40. Enillwyd y raffi a drefnwyd gan Miss Ifanwy Rhisiart gan Mrs. Lewis, Tŷ 'Sgody a Mr. Haydn Jones. Penderfynwyd cael darlith gan y Dr. Gwyn Thomas, Coleg y Brifysgol, Bangor yn Ffestri Croes-y-Waun ar Fawrth 6 am 7.30. Ateb sialens Llanrug mewn Gŵyl Giamocs (It's a Knockout) yn yr haf. Gofynnodd yr ysgrifenyddes, Mrs. Pat Parry, Ffridd Felen i bawb sy'n awyddus i archebu unrhyw ddilledyn i gysylltu â hi. Y mae ganddi drefniant ichi ddod â'ch gwŷl neu ddefnydd eich hunan, talu am y llafur a'r tâl yn mynd i gronfa'r eisteddfod. Penderfynwyd hefyd cael Cystadleuaeth 'Llinell Goll' bob mis. Dyma'r dasg ar gyfer mis Mawrth:

Mae pawb yn casáu rhywbeth, bobol,
Wrth gwrs nid 'run peth, mae'n
Waeth gen i pwy wŷr, naturiol.
Casáu wnaif yn llwyr

Anfonwch eich llinellau gyda 5c am bob llinell i Mr. Rol Williams, Bod Gwilym, Waunfawr erbyn Mawrth 15. Bydd gwobr i'r gorau.

Y mae dros £300 wedi eu casglu erbyn hyn, ond y mae angen tua £100 y mis i gyrraedd y nod o £2,000 meddal Cadeirydd y Pwyllgor, Mr. Iolo Huws-Roberts.

EISTEDDFOD YSGOL SUL CAPEL BETHEL — Swyddogion y pwyllgor yw: Llywydd, Mr. Bob Jones; Trysorydd: Miss B.M. Jones; Ysgrifennydd: Miss Marilyn Roberts; Ysgrifennydd Ariannol: Mrs. Pat Parry. Fe gynhelir yr Eisteddfod ar Ebrill 14.

Y FEIBL GYMDEITHAS — Swyddogion y Pwyllgor Lleol yw: Llywydd: Canon Glyndwr Williams; Ysgrifennydd: Mr. Morris Lewis. Trefnodd y pwyllgor noson goffi yn Neuadd yr Eglwys nos Wener, Chwefror 17 a chawsant gefnogaeth deilwng iawn.

TAITH GERDDED — Aeth 16 o fechgyn ar daith o'r Waunfawr dros Gefn Du i Lanberis ac yn ôl ddydd Sadwrn, Chwefror 11 i godi arian i'r tîm pêl-droed dan 15 oed. Aeth Mr. Alan Denton (rheolwr) a Mr. Ian Thomas gyda hwy a'r stiwardiaid oedd Mrs. P. Parry a Mrs. M.R. Denton. Noddwyd y bechgyn i'r swm o £105.

Mae gêm wedi ei threfnu ar Mawrth 4 yn erbyn tîm o Northampton (Northampton Bacal Kets) ar gae Caernarfon Unedig (wrth ymyl Eglwys Llanbeblig) am 11 o'r gloch yn y bore. Bydd tîm Waunfawr yn ymweld â Northampton yn y dyfodol agos.

YR EGLWYS — Cafwyd dwy Stand Flodau yn rhoddion er cof am Commander H. Lloyd Williams a Mr. J.B. Williams, Is Eilian, a fu'n warden am dair blynedd a deugain.

Bu aelodau o Gapeli Bethel a Chroes-

y-Waun yn cyd-oddoli â chynulleidfao'r Eglwys yng Nghwasanaeth Gosber ddechrau'r flwyddyn.

Cafwyd noson ddiddorol yn Urdd yr Eglwys yng nghwmni Mr. Arfon Evans, Caernarfon a ddangosodd gyfres o ddarluniau a baratowyd ganddo ar gyfer arholiad mewn ffotograffiaeth.. Yn yr Yrfa Chwist a gynhaliwyd yn Neuadd yr Eglwys er budd Cronfa'r Neuadd y goreuon oedd: 1. Miss Sharon Parry; 2. Mrs. Parry, Bro Waun; 3. Mrs. Pettifor. Yr M.C. oedd Mr. Peter Evans ac enillwyd y raffi Mr. Haydn Jones. Cyflwynwyd y gwobrau gan Mrs. Carys Owen.

GOBEITHLU BETHEL — Yng nghyfarfod dwytha'r tymor ddydd Mawrth, Chwefror 7, cafwyd y plant de parti a bu Dafydd Iwan yno yn eu diddanu.

MAMAU IFAINC — Yng nghyfarfod Chwefror 9 rhoddwyd sgwrs ddiddorol ar sut i drin dannedd gan Mrs. Hughes o'r Swyddfa Iechyd. Llywyddwyd gan Mrs. Rose Ann Hughes a hi ddiolchodd iddi.

CYFARFOD GWEDDI MERCHED Y BYD — Bydd merched o gapeli ac eglwysi Waunfawr a Betws Garmon yn cyfarfod yng Nghapel Croes-y-Waun, ddydd Gwener, Mawrth 3 o dan lywyddiaeth Mrs. Morgan Jones, Pant.

Y BLAID — Swyddogion y gangen yw: Llywydd: Dafydd Iwan; Is-lywydd: Rhodri Prys Jones; Trysorydd: John Gwynedd Jones; Ysgrifennydd: Dic Jones. Penderfynwyd trefnu Clwb Cant a chael cinio ar Fai 1.

LLONGYFARCHIADAU — i Mr. Alwynne T. Jones, Bryn Gwennallt ar ennill ei 'Second Engineering Ticket'; i Mr. T.H. Williams, Drws-y-Nant ar ei waith ar y Rhaglen Radio 'Pawb at y Peth y Bo', i'r tri o'r Waun oedd yn actio yn 'The Cat and the Fiddle' yn neuadd 'Feed my Lambs' — Mrs. Carys Jackson; Mrs. D. Simpson a Mr. King; i Mr. a Mrs. Oliver, Glandŵr ar enedigaeith merch (Catrin Siân).

O'R YSBYTY — Mae amryw o'r ardal hon wedi bod yn yr ysbyty ond erbyn hyn wedi dod adref: Mr. J.H. Jones, Garn; Mrs. Ian Thomas, Tref Eilian; Mrs. Roscoe, Gwyndy; Mrs. Jean Jones, Llwyn Onn; Mrs. Mair Cotton, Bryn Hyfryd; Mrs. Catherine Jones, Crud-yr-Awel; Mr. J. Aled Owen, Dol Erddi; Mr. Gwynn Davies, Bryn Eithin; Mr. Richard Rowlands, Bryn Golau a Mr. T.H. Williams, Coed Gwydryn. Adferiad llwyr fo iddynt ac i Mrs. Hughes, Dolafon sy'n dal i fod yn yr Ysbyty ar ôl cael damwain ac i Michael Parry, Ffridd Felen ar ôl ei damwain yntau.

CYDYMDEIMLWN — â Miss Bessie Jones, Bod Arthur a Mr. Tom Jones, 12 Bro Waun (colli brawd) ac â Mr. J. Aled Owen, yntau wedi colli brawd.

DYMUNIADAU GORAU — i Mr. a Mrs. R.D. Roberts, Tŷ Capel, Croes-y-Waun ac Eleri sy'n symud i fyw i'r Groeslon, — buont yn y Tŷ Capel am chwarter canrif a rhoddodd Mr. Roberts wasanaeth mawr i'r eglwys fel blaenor, ysgrifennydd ac Arweinydd y Gân, a bydd bylchau ar ôl y tri mewn amryw o gylchoedd.

CROESO GARTREF — i Elwyn Jones, Ty'n Coed sydd ar hyn o bryd yn y fyddin yn Yr Almaen.

EISTEDDFOD YSGOL BRYNREFAIL



Deialog Fuddugol Dosbarthiadau 4,5 a 6 Eryri. Euron Griffith, Ellis Davies a Ioan Williams.

LLANBERIS

PERSONOL — Dymuna Mrs. Clara Roberts, Argraig, ddiolch i'w pherthnasau a ffrindiau am y cardiau, blodau a'r anrhegion a dderbyniodd tra oedd yn yr ysbyty. Hefyd llawer o ddiolch i'r meddygon, a'r staff yn Ysbyty Dewi Sant, ac hefyd Ysbyty Minffordd.

CWMNI DRAMA MEWN PICIL

Ar ôl bod wrthi'n ddygn drwy'r hydref a'r gaeaf yn ymarfer mae'n rhaid i Gwmni Drama Llanberis ohirio eu perfformiadau tan fis Medi nesaf. Y rheswm dros y gohiriad yw fod prif gymeriad y ddrama, sef Mr. Iwan Lloyd Williams, wedi cael galwad o Ysbyty Gobowen i fynd i mewn am driniaeth i'w goes. Dymunwn adferiad buan a llwyr i Iwan.

'Roedd y Cwmni i fod i berfformio Comedi 'Dwy Frân Ddu' yn Llanberis, Deiniolen, Glynllifon a Seilo, Caernarfon. Bydd cyfle i chi ofyn am eu gwasanaeth ddiwedd mis Medi. Sicrhewch ddyddiad yn o fuan — mae hwn yn gwmni prysur iawn. Yr ysgrifennydd yw Miss Meira Jones, Stryd Turner, Llanberis.

E & E.M.GREEN

SIOP GRON

PENISARWAUN

Nwyddau Groser
Ffrwythau a Llysiau Ffres
Dewis rhagorol
Croeso cartrefol

CEFNOGWCH

EIN

HYSBYSEBWYR

LLANBERIS

CRONFA EISTEDDFOD 1979 — Enillydd raffl Ionawr oedd Mrs. Carrie Hughes, Padarn Road. Daeth y raffl ag elw o £27.75. Fe dynnir raffl Chwefror yn y Noson o Gawl a Chân ar Fawrth y 4ydd. Gwnaethpwyd elw o £24.32 gyda'r Bingo a gynhaliwyd ar Chwefror 10. Diolch i Mr. Richard Jones am ofalu am y noson ac i'r canlynol am eu rhoddion: Mrs. Davies, Garej, Tin Bisgedi; Miss Nerys Huws, Rhes y Faenol; £1; Mrs. Siân Thomas, Foelas, Fas; Mrs. Gwyneth Jones, 2 Dôl Elidir: 70c; Mr. Richard Jones: £1; Mrs. Nerys Roberts, Fflat uwchben y Cigydd: 80c; Miss Ann Evans, Siop Anrhegion: Talc a Phersawr; Mr. Cladwyn Jones, Stryd Goodman: Toast Rack; Mr. Gwynfor Williams, Stryd Newton: Llefrith; Mrs. Anne Jones, Min Afon Terrace: Siwgr; Bocs o Siocled; Miss Jane Morris, 44 Dôl Elidir: Sachad o Datwr; Mrs. Marie Evans, Siop Anrhegion: 5 pâr o 'tights' a Bocs o Ffrwythau.

Diolch i Adran 11 yr Urdd am gasglu mwy na £50 tuag at y Gronfa drwy fynd ar Daith Gerdded Noddedig ar Chwefror 18. Nos Wener, Mawrth 10 bydd Disco yn y Ganolfan yng nghwmni Disco 007 o Fethel. Plant Ysgol Dolbadarn yn unig o 7 tan 9 o'r gloch, a phlant hŷn o 8.30 tan 10.30. Nos Fawrth, Mawrth 14 bydd noson o Wau Noddedig yn yr Erw Fair i ddechrau am 7.30. Croeso i unrhyw un ddod yno i wau. Dowch â gwaell Rhif 8 ac edafedd 'Double Knitting' gda chwi. Byddwch yn siŵr o gael hwyl, ond cofiwch gael rhai i noddi faint o sgwariol y gallwch wau mewn dwy awr. Gobeithir i'w gael digon o sgwariol i wneud cwilt gwely ac y gallwn ei roi ar raffl ym mis Ebrill. Bydd Noson Lawen ym mis Ebrill, celr manylion pellach yn y rhifyn nesaf. Ym mis Mai cynhelir Ffair Wanwyn. Mae'r canlynol yn gyfrifol am wahanol stondinau: Teisennau: Mrs. Enid Jones, Delfryn a Mrs. Helen Morris, Oakfield, Ffordd Capel Coch; Bwyd: Mrs. Vera Griffith, Llwyn Piod a Mrs. Lowri Thomas, 13 Ffordd Ty Du; Eliffant Gwyn: Miss Gwyneth Parry a Mrs. Maureen Lennon, Plas Tirion; Llyfrau a Chomics: Mrs. Enys Parry, Noddfa a Mrs. Beryl Lewis, Cilan, Ffordd Fawr; Gwaith Llaw: Mrs. Nerys Roberts, Fflat Siop y Cigydd a Mrs. Lloyd, Siop Rosalind; Planhigion: Miss Jane Morris, Blodwel, Dôl Elidir neu'r Ysgol; Poteli: Mrs. Gwyneth Jones, 2 Dôl Elidir a Mrs. Brenda Parry, Stryd Ianc; Cynnyrch Cartre: Mrs. Davies, Garej; Mrs. Marie Evans a Miss Ann Evans, Siop Anrhegion a Fferins. Os gallwch gyfrannu mewn unrhyw ffordd byddai'r merched a enwir uchod yn ddolchgar o dderbyn addewidion a rhoddion, neu eu rhoi yn Siop Trefor neu'r Siop Anrhegion.

I gyrraedd y targed mae'n ofynnol inni gasglu £200 y mis, felly penderfynwyd sefydlu Clwb 300. Y bwriad yw i 300 o bobl gyfrannu 50c y mis neu £6 y flwyddyn i'r Clwb, a phob mis rhoddir gwobrau o £25 a £10 i'r rhai gyda rhifau lwcus. Mis Rhagfyr bydd gwobrau ychwanegol. Aiff y gweddill o'r arian i'r Gronfa Leol, a dylai'r cyfanswm o hyn i'r Eisteddfod fod yn un sylweddol tuag at darged y pentref. Dymunir ar i unrhyw un sy'n dymuno ymaelodi gysylltu â: Mr. John G. Williams, Eirianfa, Ffordd Capel Coch (Ffôn: Padarn 254); Mr. Cladwyn Jones, 40 Stryd Goodman (Padarn: 496); Mr. Alwyn Thomas, Foelas, Stryd Newton (Ffôn: Llanberis 220); Mrs. Beryl Lewis, Cilan, Stryd Fawr, Snowdon Gift Shop; Miss Jane Morris, 44 Dôl Elidir cyn gynted ag sydd bosibl. Bydd y 'draw' gyntaf yn niwedd mis Ebrill pryd y gobeithir y bydd yr aelodaeth yn gyflawn. Diolch i'chwi am eich cefnogaeth. Rydym wedi cael casglyddion i fynd o amgylch y pentref i gyd oeddeutu Maes Padarn.

Tybed a oes 4 neu 5 o wirfoddolwyr yn fodlon i ymgymeryd â'r gwaith? Mae'r Gronfa ar hyn o bryd yn sefyll o gwmpas £480. A wnech chi ddod i gysylltiad â Miss Jane Morris? Bydd y Pwyllgor nesaf yn Ffestri Gorffwysfa nos Iau, Mawrth 23 am 7.30.

YSGOL DOLBADARN — Yn ystod y dyddiau nesaf bydd timau Pêl-rwyd a Pêl-draed 5 bob ochr, Adran yr Urdd yn cystadlu yn rowndiau cyn-derfynol, Chwaraeon y Sir. Bydd y genethod yn chwarae yn erbyn Ysgol Bontnewydd a'r bechgyn yn erbyn Ysgol Llanybi. Pob lwc iddynt!

MARWOLAETH — Trist oedd clywed ddechrau'r mis am farwolaeth Miss Emily Louise Davies, Tan-y-Bryn, Stryd Newton yn 88 mlwydd oed. Cydymdeimlwn yn fawr â'i chwiorydd a'r teulu oll.

BATHODYNAU NOFIO — Dydd Sadwrn, 10 Chwefror bu pedwar o blant y pentref yn llwyddiannus iawn i ennill bathodynau am nofio ym Mhwll Nofio Bangor.

Cafodd Dylan Ellis Thomas, 13 Ffordd Ty Du ac Ioan Jones, 2 Llainwen Isaf, fathodyn yr un am nofio 50 medr, a Ffion ac Iestyn Jones, 2 Llainwen Isaf, fathodyn yr un am nofio 20 medr. Daliwch ati blant!

DAMWAIN — Drwg oedd gennym glywed am ddamwain Mr. Huw Peris Pritchard, Birmingham House. Gobeithio y byddwch allan ac o gwmpas yn fuan Mr. Pritchard.

LLONGYFARCHION — Dymunwn longyfarchion i blant y pentref a fu'n llwyddiannus yn Eisteddfod Ysgol Brynrefail.

PLAID CYMRU — Nos Fercher, Chwefror 8, cynhaliwyd cyngerdd llwyddiannus yn Ffestri Gorffwysfa gan Barti Merched Carmel.

GWAELEDD — Deallwn fod amryw o bobl y pentref yn cwyno; dymunwn wellhad buan iddynt oll.

ADRAN YR URDD 11+ — Dymuna'r Arweinyddion ddolch yn fawr iawn i drigollion y pentref am gefnogi y Ffair Sborion a gynhaliwyd nos Wener, Chwefror 17. Gwnaethpwyd elw o dros £49. Bydd yr aelodau yn mynd i Ganolfan Chwaraeon Llangeini ar Fai 5.

LLONGYFARCHIADAU — i Miss Mona Jean Lewis, Cilan, Stryd Fawr ar ei phen-blwydd yn 18 oed ar Fawrth 13.

DYWEDDIO — Llongyfarchiadau i Miss Glenda Ann Hughes, 49 Dôl Elidir ar ei dyweddliad â Mr. Gwyndaf Owen, Ferndale, Glanffynnon, Llanrug.

MARWOLAETH — Trist oedd clywed am farwolaeth Mrs. Annie Griffith, 79 Maes Padarn yn 88 mlwydd oed. Cydymdeimlwn yn fawr â'i mab Hugh, 29 Dôl Elidir a'i thair merch sy'n byw yn Lloegr. Hefyd â'i chwaer Mrs. Catherine Elin Thomas, Maes Padarn a'r teulu oll.

ENNILL CWPAN SIALENS — Yr enillydd am y flwyddyn 1976-77 yng nghystadlaeth i'r Seindorf leu-entid oedd Dilys Wyn Jones, 27 Dôl Elidir. Yr ail oedd David Owen, 2 Rhes Efrog ac yn gydradd drydydd oedd Iwan Pritchard, Nant Peris a Maldwyn Lewis. Rhoddwyd y gwpan gan Mr. J. Thomas, Caernarfon. Y beirniaid oedd Mr. Meirion Jones a Mr. Irfon Morris, o Seindorf Deiniolen.

CYDYMDEIMLO — Cydymdeimlwn â Mr. Alun Roberts, Rhes y Vaynol ar farwolaeth ei chwaer yn Llanfaglan.

BABI NEWYDD — Llongyfarchion i Gareth a Christine ar gael mab a gwneud Mrs. Katie Roberts, Stryd Turner yn hen nain. Mae Gareth a Christine yn trigo yn 12 Llainwen Isaf.

Maes y Merched

gan Rhiannon James

"MEWN PENBLETH?"

Cwestiwn: A oes angen caniatâd swyddogol i osod ffens o flaen y tŷ, rhwng yr ardd ffrynt a'r pafin?

Ateb: A bod yn fanwl gywir, oes mae angen caniatâd os bydd yn uwch na phedair troedfedd. Os nad yw'n gwynebu'r pafin gallwch godi ffens hyd saith troedfedd heb ganiatâd. Gall eich cymdogion wrthwynebu wrth gwrs.

Cwestiwn: Prynasom ddresel o goed pin flwyddyn yn ôl ac erbyn hyn mae'r coed wedi warpio a'r droriau yn anodd iawn i'w cau a'u hagar. Beth ellir ei wneud?

Ateb: Efallai fod effaith gwres canolog wedi achosi i'r coed chwyddo. Yn gyntaf, cymerwch amser i archwilio lle yn union mae'r drôr yn dal. Defnyddiwch wedyn olew olewydd, neu bapur sandio neu yn olaf (ac yn ofalus!) blaen fel Surform neu Trimmatsol. Os ydych wedi disgyn erioed ar eich cefn a drôr ar eich glin, fe wyddoch beth 'dwi'n feddwl!

Cwestiwn: Darllenais yn ddiweddar y gall 25% o'r arian a wariwn ar gynhesu ein tai gael ei golli drwy'r to. Ydi hyn yn wir; beth a allwn ei wneud i gael gwerth ein harian?

Ateb: Os na fuoch erioed yn prowla yn yr atig, ewch ati heno nesa! Dylai fod gennych flanced dew rhwng bob coedyn (joist) yn

yr atig i arbed colli gwres. Tair modfedd o drwch a awgrymir gan y llywodraeth ac mae'r trwch yma yn werth ei gael (gall gostio rhwng £35 a £50 i atig tŷ tair llofft).

**Byddwch yn ofalus i sefyll ar y coed yn unig – gall eich coes fynd drwdd i nenfwd y llofft yn hawdd iawn.*

Cwestiwn: Mae gennyf blanhigion rwyber cryf ac iach, ond yn ddiweddar mae ymylon ei ddail yn brownio ac mae'n edrych yn ddi-galon! Beth alla' i wneud i'w achub?

Ateb: Efallai ein bod yn anghofio yn y gaef fod ein planhigion tŷ angen aer, dŵr, bwyd a chynhesrwydd fel ni ein hunain. Tybed a fu ymylon y dail yn cyffwrdd ffenestr dros nos rewlyd? Rhowch ddŵr cynnes a hylif maethlon iddo ac ewch ati i lanhau ei ddail gyda chŵyr (wax) arbennig. Fydd o ddim yr un!

EISTEDDFOD YSGOL BRYNREFAIL



Eilian – y Côr 4 llais buddugol

10% oddi ar Bapur Wal a Phaent Leyland & Jellipex yn

E. WILSON HUGHES
84 Stryd Fawr
LLANBERIS

Ffôn: Llanberis 491

MELYSION A BACO AR WERTH HEFYD

BETHEL

GENEDIGAETHAU — Llongyfarchiadau i Moelwen ac Edryd Gwyndaf, Gardd Ffynnon ar enedigaeth eu hail blentyn, brawd i Siwan. Llongyfarchiadau hefyd i Dylan a Jacquelin Hughes Cawia ar enedigaeth merch fach ac i William a Valmai Guy, Ty'n Lôn ar enedigaeth efeilliaid.

YN YR YSBYTY — 'Rydym yn deall fod Mr. R.O. Williams, Glan Gors yn Ysbyty Gallt y Sil, Caernarfon. Gobeithio y cawn ei weld adref yn fuan.

YN GWELLA — Cafodd Mr. Thomas Alun Jones, Eithiniog, ddamwain yn y gwaith yn ddiweddar a bu yn ysbty Môn ac Arfon am gyfnod. 'Rydym yn falch o ddeall ei fod wedi dod adref ac yn gwella. Bu Richard a Russel Williams, Hafod y Rhos yn yr ysbty hefyd. Mae'n braf eu gweld yn myndio ac allan yn chwarae yn yr eira eto. Mae Mr. John Jones, Y Felin hefyd wedi dod adref ac yn gwella ar ôl bod yn Ysbyty Dewi Sant am gyfnod.

LLONGYFARCHIADAU — I Sulwen Owen, 4 Corra Linn ar gael ei phenblwydd yn 18 oed ar Chwefror 14, a hefyd i Irfon Owen ar ei ddywedd diweddar gyda Rhian Morris o'r Sling, Tregarth. Mae'n dymuniadau gorau i'r ddau.

PLAID CYMRU — Nos Fercher, Chwefror 15, cafwyd Gyrfa Chwist yn y Neuadd. Yr enillwyr oedd 1: David Hughes, Twll Clawdd, Llanrug; 2. Mrs. L.A. Hughes, 3 Corra Linn; 3. Mr. Owain Bebb, Llwyn Eithin a Myfanwy Jones, Glan Gors a gafodd y wobwr bwb 'Roedd pawb a ddaeth i'r Neuadd wedi mwynhau eu hunain a phenderfynwyd cynnal Gyrfa arall ar Ebrill 19.

Y GYMDEITHAS — Nos Iau, Mawrth 9ed fe gynhelir swper i gloi tymor y Gymdeithas ym Mhlas Tan Dinas. Gofynnir i bawb sydd am fynd i'r cinio roi eu henwau i Mrs. Betty Owen, Crud yr Awel.

YR YSGOL — Nos Iau, Chwefror 23 cynhaliwyd Noson Goffi yn yr Ysgol, gyda'r elw yn mynd i Gronfa'r Ysgol.

WEDI SYMUD — Mae Mr. a Mrs. Merfyn Hughes a'r teulu, Waen Deg bellach wedi symud i fyw i 'Twll Clawdd' Llanrug. Gobeithio y byddant yn hapus yn eu cartref newydd. Bu Mrs. Hughes gyda Mrs. Owen, 4 Corra Linn, yn gwerthu'r Eco er y cychwyn. Mae'r ddwy 'nawr wedi rhoi'r gorau i'r gwerthu ond mae'n diolch yn fawr i'r rhai sydd mor fodlon cymryd y gwaith drosodd.

MERCHED Y WAWR — Nos Fercher, Chwefror 8 methodd Mrs. Hannah Jones, Llanberis ddod i roi sgwrs ar Grosio. Daeth Mr. Hughes o Adran Iechyd Cyngor Arfon yn ei lle a chafwyd sgwrs a sleidiau difyr iawn ganddo. Diolchwyd i Mr. Hughes gan Mrs. Mair Price, Rhoddwyd y raffl gan Mrs. Megan Evans ac fe'i henillwyd gan Mrs. Megan Humphreys. Mrs. Gwyneth Jones, Fachell a Mrs. Williams oedd yn gwneud y te.

Nos Fercher Mawrth 8 bydd cinio Gŵyl Ddewi yng nghwesty Victoria Llanberis. Pris y cinio fydd £4.30. Bydd bws yn cychwyn o Fethal am 7.30. Gofynnir i bawb sydd am fynd i'r cinio roi eu henwau i Mrs. Betty Owen, Crud yr Awel mor fuan ag sydd bosibl.

EISTEDDFOD GENEOLAETHOL CAERNARFON — Nos Wener, Chwefror 17 cynhaliwyd Noson Goffi yn y Neuadd i dynnu gwobrau Clwb Cant yr Eisteddfod. Yr enillwyr oedd: 1: Mrs. Mary Hughes, 27 Bro Rhos: £20; Mrs. Mona Williams, 9 Bro Rhos: £10; Mrs. Ceris Williams, 1 Tan y Cae: £5. Fe fydd tair gwobr arall i'w tynnu ym mis Mawrth. Mae croeso i chwaneig o aelodau o hyd — cysylltwch â Mr. Dafydd Williams, Y Rhos, Mr. Seiriol Owen neu unrhyw aelod o bwyllgor yr Eisteddfod.

PARTI CYD ADRODD — Bu'r côr adrodd Y Rhos a sefydlwyd at Eisteddfod Bethel yn cystadlu yn Eisteddfod Garndolbenmaen yn ddiweddar. Cafodd y côr yr ail wobwr gyda phump côr yn cystadlu. Mrs. Mary Wyn Jones, Y Rhos sy'n hyfforddi'r côr.

YR URDD — Yn ystod y mis cafwyd noson o Ddawnsio Gwerin dan ofal Ann Hopcyn a noson o Ffilmiau gan Mr. Eric Jones, Swyddog Diogelwch y Ffyrdd y Sir. Mae nifer o bartion o'r gangen yn brysur yn ymarfer at yr Eisteddfod.

DEINIOLLEN

SILICOSIS — Cyfarfod Cyhoeddus nos Iau, Ionawr 26 — A gaf yn gyntaf ddiolch unwaith yn rhagor i bawb a bresenolodd eu hunain yn y cyfarfod uchod, a diolch yn arbennig iawn i'r gŵr gwadd, sef Mr. Idwal Edwards, cyn-ysgrifennydd Rhanbarthol y T.G.W.U. Rhannodd Mr. Edwards ei drafodaeth yn dri phen, sef 1. Diagnosis; 2. Budd marwolaeth y weddw; 3. Iawndal. Siarodd yn helaeth am bob pwn, yn ei dro ac hefyd fe soniodd am benderfyniadau Pennaeth Rhanbarthol Cyngor Iechyd Gwynedd, sef bod galwad awtomatig o flaen y Bwrdd Iechyd ar ôl ymchwillad cyntaf, ac hefyd ei fod yn obeithiol iawn y bydd archwiliad Pearson yn arwyddo y penderfyniadau a gafwyd gan yr Undeb TGWU a Chyngor Gwynedd.

Os oes unrhyw gyfran o lwch ar yr ysgyfaint dylai y person gyfaddasu fel .1% o dreth, yn gorffen mewn tâl anabl o 10%. Pwynt pwysicaf Mr. Edwards oedd ei fod yn credu yn gydwbodol y dylai unrhyw weddw, lle bo ei gŵr wedi ei dystio'n dioddef o'r Silicosis gan y Bwrdd Iechyd dderbyn yr 'Industrial Widows Death Benefit', heb archwiliad arall, ac fe ddywedodd y dylai y Rheolau gael eu newid ar unwaith. Ar y cwestiwn o lawndal dywedodd Mr. Edwards nad oedd Chwaelwyr Gogledd Cymru ddim ar eu pennau eu hunain. Daliodd sylw y gynulleidfa bod amryw o weithwyr trwy Brydain yn yr un sefyllfa lle 'roedd y gweithfeydd wedi bod ynghau am amser maith. Yr unig ffordd i wneud hyn oedd cael rhyw gynllun i weithio trwy yr adran Iechyd (DHSS) lle y buasai swm penodedig o lawndal yn cael ei dalu cyn gynted ag mae pawb yn cael eu harwyddo bod y salwch arnynt. Buasai y tâl yma yn ychwanegol at y tâl wythnosol yn 'Disablement Benefit' ac 'roedd yn

EISTEDDFOD YSGOL BRYNREFAIL



Deialog fuddugol Dosbarthiadau 1, 2 a 3 Elidir. Anthony Poulton, Jessica Williams, Owain Griffith, Menna Deulyn Williams (yn yr het).



Parti Cyd-Adrodd Buddugol Gwyrfa

gobeithio yn arw y buasai hyn i gyd yn digwydd ar ôl Archwiliad Pearson.

Hyn, meddai Mr. Edwards, fuasai yr unig gyfiawnder â'r rhai sydd yn methu hawlio tâl yn y ffordd arferol.

Leslie Roberts.

PRIODAS ARIAN — Llongyfarchiadau calonnog iawn i Mr. a Mrs. George Evans, Heol Newydd, Deiniolen a fyddant yn dathlu eu priodas arian ar 1af Ebrill.

CLWB 200 — Enillwyr Clwb 200 mis Ionawr:

£15: Mrs. J. Jones, 1 Tan y Foel, Deiniolen, Rhif 152.

£10: Mrs. J. Williams, 44 East Ave., Porthaethwy, Rhif 193.

Enillwyr mis Chwefror:

£15: Mr. D. Morris, Rhianfa, Deiniolen

Rhif 145

£10: Mr. M. Lloyd Jones, c/o 73, Pentre Helen, Rhif 119.

**DAW Y RHIFYN NESAF
ALLAN AR
MAWRTH 30ain**

**Y deunydd i law'r
Golygydd
erbyn
Nos Fercher
MAWRTH 27ain**

W.J. GRIFFITH

**PLYMAR
A GOSODWR
GWRES CANOLOG**

PANT TIRION, LLANRUG

Ffôn: Caernarfon 3248

**GOSODWR SWYDDOGOL
SYSTEMAU
GWRESOGI OLEW**



**BP heat
A SHELL-MEX**



*Dim un dasg rhy fychan,
Dim un dasg rhy fawr.*

Gwesty Dolbadarn

Tŷ

Rhydd-

Feddiant

Llanberis

FFÔN: LLANBERIS 277

Perchennog

Aneuryn

Jones

**MAN DELFRYDOL I BARTI PRIODAS
NEU GINIO BLYNYDDOL**

Hefyd

CANOLFAN DRECIO

Holwch am ein

telerau rhesymol



UNIGRWYDD

DIM Y 4YDD TRO ANWEN!

Anwen Jones, merch Mr. a Mrs. Leslie Jones, Meillionydd, Pen-
isarwaun enillodd y gadair yn Eisteddfod Ysgol Brynrefail eleni.

Y mae Anwen yn 18 oed ac yn ddisgybl yn yr ail flwyddyn o'r
chweched dosbarth, ac yr oedd wedi dod yn ail yn y gystadleuaeth am
y gadair dair gwaith o'r blaen.

I ennill y gadair bu'n rhaid iddi
ysgrifennu stori fer ar y testun
'Unigrwydd' a chyfansoddi cerdd
ar y testun 'Dagrau'. Cafodd y
stori fer ganmoliaeth uchel iawn
gan y beirniad Mr. Wil Lewis,
Amlwch. Clodforodd gynildeb ei
hysgrifennu yn ei feirniadaeth, fel
y gellwch farnu eich hunain.

'UNIGRWYDD'

Lliw Haul

Ni wyddai Tomos yn iawn eto
beth a gâi ei brynu yn anrheg pen-
blwydd i Doris ei wraig. 'Roedd
eisiau prynu rhywbeth gwerth-
fawr iddi, rhywbeth a fuasai'n
dangos maint ei gariad mawr tuag
ati. 'Roedd blwyddyn gyfan o
briodas wedi mynd heibio, ac
yntau'n ei charu'n fwy ac yn fwy
fel yr âi'r amser heibio... O'r
annwyl! Beth a gâi ei brynu iddi?

Cerddodd ar hyd y stryd â'i ben
i lawr, a'i feddwl yn troi o
amgylch Doris. Yn anymwybodol
iddo'i hun, cerddodd i mewn i
siop emau ar gongl y stryd. Efallai
fod rhywbeth yma a fuasai'n
gwneud iddi:

"Excuse me sir, but can I help
you?"

Sylweddolodd fod y ddynes
dew yr ochr draw i'r cownter yn
ei holi, ac yn sydyn, teimlodd y
gwres yn codi i'w wyneb. Onid
oedd gan Doris ddigon o hen
daclau fel locedi a modrwyau?

"...I... I'm sorry madam, but I...
I think I've come to the wrong
shop."

Heb aros i weld wyneb y
ddynes, trodd Tomos ar ei sawdl a
mynd ymaith. Teimlodd yn chwys
oer i gyd ac yn euog o fynd i
mewn i'r siop mor awyddus a dod
oddi yno mor anghwrtais. Cerdd-
odd yn ei flaen ar hyd yr heol
fawr a'i wyneb yn troi yn ôl ac
ymlaen i'r dde ac i'r chwith wrth
syllu ar y siopau dirifedi. Beth ar
y ddaear a allasai ei brynu iddi?

Yn sydyn teimlodd ei hun yn
mynd yn erbyn rhywbeth llyfn,
meddal ar y stryd. Trodd ei ben i
weld mai wedi mynd yn erbyn
merch ifanc a chôt ffwr amdani yr
ydoedd ac wrth weld y gôt daeth
syniad i'w ben. Cofiodd fel yr
aeth ef a Doris i swper y banc y
Nadolig diwethaf.

"Dwi ddim am ddwad i'r parti
'ma hefo chdi eto Tomi!'

"Ond pam Doris fach?"

"Ond tydi pawb mor grand yma
yn eu silcs a'u cotiau ffwr, a finna
yn yr hen ffrog gotwm yma -
mor dlawd â llygoden elgwys!"

"Ond 'rwy'ti cyn ddeled â nhw
i gyd."

"Nac'dw Tomi, a'r gôt 'ma!..."

"Fe bryna'i gôt ffwr newydd i ti
erbyn y Nadolig nesaf."

"Na wnei Tomi."

"Ond 'rwy'ti yn eu hoffi?"



"Ydw, ond..."

Un fel'na oedd Doris. 'Roedd
wedi addo prynu côf ffwr iddi
felly pam na phryna'i un dda iddi
hi rwan ar ei phen-blwydd yn dair
ar hugain oed? Buasai'n sicr o'i
gwerthfawrogi, a gallai ddych-
mygu gweld ei hwyneb gwrithgoch
yn disgleirio mewn hapusrwydd ac
yn dod ato a rhoi cusan ar ei
wyneb...

Ia, côf ffwr a gâi iddi.

Arafodd ei gamau o flaen siop
fawr lle 'roedd merch blastig yn y
ffenestr yn gwisgo'r gôt ffwr
ddelaf a welodd neb erioed.
Cerddodd i mewn i'r siop a'i galon
yn ei wddf ond sylweddolodd mai
siop fwydydd ydoedd. 'Roedd ar
fin mynd allan yn siomedig pan
welodd arwydd mawr ar y drws
'Ladies Fashions 1st floor. Gydag
ochenaid fawr o ryddhad
dringodd y grisiau i'r llawr cyntaf.

'Roedd yno ddillad o bob lliw a
llun a chwiliodd yn fanwl am
gownter y cotiau ffwr. O'r diwedd
fe'i gwelodd, ond gan nad oedd yn
deall fawr amdanynt aeth i
'mofyn help y wasanaethferch.

"Excuse me miss, but I'm look-
ing for a fur coat for my..."

Trodd y ferch ei phen a
sylweddolodd mai merch un o'r
gweithwyr oedd gydag ef yn y
banc ydoedd...

"O, helo... Mr. Williams ia!
Arhoswch chi nawr... côf ffwr ...
Mae 'na rai newydd del iawn yn
'fa'ma."

"O helo Janice... côf ffwr?"

"Ie, dyna ddwed'soch chi
ynte?"

"Y... ha ha... y mae'n ddrwg
gennyf, ond mae arnaf ofn eich
bod yn camgymryd... ha ha,
mynd yn hen fel finne Janice
fach... Wel da boch chi nawr -
mae'n rhaid i mi fynd. Cofiwch fi
at eich tad. Hwyl!"

Aeth Tomos allan o'r siop cyn
gynted ag y gallai. Teimlai'n sâl -
yn wan drosto. Cofiodd fel yr
arferai ei fam wasgu dillad yn y
mangl pan oedd yn fachgen bach.
Teimlai'n union fel y dillad hynny
yn awr - yn wlyb ac yn llawn
cynnwrff pan ddaeth i mewn i'r
siop, ac yn llipa a dienaidd yn dod
oddi yno. Beth ar wyneb y ddaear
oedd yn dod drosto? - 'Roedd
wedi cerdded allan o'r siop emau

ac wedi gwneud mwy o ffwl eto
ohono'i hun yn cerdded o'r siop
ddillad. Buasai sôn amdano o
gwmpas y dref yn awr. -'Roedd
Janice yn digwydd bod yn ferch i
un o enllibwyr mwyaf y dref, ac os
y dywedai hi ei hanes wrth ei
thad, yna fe fyddai pawb yn sôn
amdano.

Cerddodd yn ei flaen eto.
'Roedd wedi hen ddiflasu erbyn
hyn ar fynd o gwmpas y siopau yn
chwilota am anrheg. Fel arfer,
dôd Doris gydag ef, yn ei helpu i
ddewis anrheg, ond y tro hwn
'roedd pethau'n wahanol, 'roedd
yn rhaid iddo ddewis anrheg iddi
ei hun...

Beth ar wyneb y ddaear a gâi ei
brynu iddi? 'Roedd fel petai'n
gwybod ateb i'r cwestiwn hwn ers
y dechrau, ond nid oedd arno
eisiau prynu blodau iddi. Tusw o
rosod cochion - buasai hyn yn
gwirioni Doris cystal â dim gan ei
bod yn hoff iawn o flodau erioed.
'Roedd rhosod hefyd yn symbol o
gariad - o'i gariad ef tuag ati hi.

Ni symudodd Tomos o'r siop tra
'roedd y ferch wrthi'n lapio'r
rhosod mewn papur gwyn. Talodd
amdanynt yn hollol gwrtais ac
aeth oddi yno heb wneud unrhyw
ffws. Cyn mynd ar y bws i fynd
adref cerddodd o gwmpas y parc
yn edmygu'r rhosod - 'roeddynt
yn hardd, yn arbennig o hardd,
a'u lliw coch yn ei atgoffa o'i
bochau cochion hi a'r hapus-
rwydd ynddynt fel yr hapusrwydd
yn Doris.

Nid aeth Tomos i lawr o'r bws o
flaen ei dŷ. Aeth i lawr wrth ymyl
yr ysgol - yr ysgol lle y gwelodd
Doris gyntaf erioed. Cerddodd ar
hyd y llwybr o'r ysgol tuag at yr
eglwys lle yr oeddodd am ennys,
cyn mynd i mewn i'r fynwent
fechan oedd wrth ymyl yr eglwys.
Cerddodd yn ddistaw rhwng y
beddi - fel petai arno ofn i'r
meirw ei glywed yn tresbasu. Aeth
heibio i fedd ei fam a'i dad, hyd
nes dyfod at fedd ieuanc yr olwg a
chroes fechan arno. Plygodd i lawr
i roi'r rhosod cochion ar fedd
Doris.

EISTEDDFOD LWYDDIANNUS

Eleni eto cafwyd eisteddfod lwydd-
iannus yn yr ysgol. Y marciau terfynol
yn y gystadleuaeth egniol rhwng y tai
oedd: EILIAN: 278%; ELIDIR: 245%;
ERYRI: 188%; GWYRFAL: 180%.

Eilian hefyd oedd y tŷ gyda'r cyfan-
swm mwyaf o farciau am y 'Gweith-
gareddau Ymlaen llaw', ac am y
'Gweithgareddau Llwyfan'. TREBL i
EILIAN felly gyda'r cefnogwyr yn
dathlu'r fuddugoliaeth trwy dafu sawl
TEDI MELYN i'r awyr.

Y llywydd eleni oedd un o gyn-
ddisgyblion enwoca'r ysgol, Mr.
Wilbert Lloyd Roberts, Bangor. Yn ei
anerchiad pwysleisiodd mai mwynhau
cystadlu, ac nid ennill, oedd y peth
pwysig, ac yn sicr gwelwyd hyn yn
ystod y noson.

Y beirniad eleni oedd: Mr. Walter
Glyn Davies, Bodedern (Cerdd); Mr.
Glyn Owen, Pwllheli (Adrodd); Mr. Wil
Lewis, Amlwch (Llên); Paola Sidoli,
Prifysgol Bangor (Adrodd Ffrangeg);
Mrs. C. Thomas, Caernarfon (Arlunio);
Mrs. Morgan Jones, Waunfawr (Crefft y
Merched).

CANLYNIADAU'R CADEIRIO

1af: Anwen Jones, Penisarwaun; Cyd-
radd 2il: Nia Bryn Jones, Llanberis ac
Emyr Gryffith, Deiniolen; Cydradd
3ydd: Iola Gryffith, Deiniolen a Cai
Larsen, Penisarwaun.

Y dasg eleni oedd ysgrifennu stori fer
ar 'Unigrwydd' a chyfansoddi cerdd ar
y teitl 'Dagrau'. Rhoddodd y beirniad
ganmoliaeth uchel i stori fer Anwen
(gweler gyferbyn), ac i'r englyn a
ddefnyddiodd Emyr i gloi ei gerdd:

Gwreiddiau anatod gwareiddiad -

Y manau diymwad, mynnwn
At ein tir mae'n gwir gariad
Brwydr yw yn erbyn brad.

MWY O LUNIAU O'R EISTEDDFOD

Côr Tŷ Buddugol - Gwyrfa
Parti Cerdd Dant Buddugol - Eilian



Llannerch Y Llenor

gan SELWYN GRIFFITH



GAIR byr am y tro. 'Roeddwn yn falch iawn o ddeall fod symudiad ar dro i sefydlu Eisteddfod Gwaun Gynfi. 'Rwy'n mawr obeithio y gwiredir fy mreuddwyd ar ôl Prifwyl Caernarfon hefyd — ac y gwelwn Eisteddfod Flynyddol Eco'r Wyddfa. Mae'n ddyletswydd arnom i gael 'Steddfod iawn a graen arni ym Mro'r Eco.

GWAHODDIAD I FEIRDD

Mae Gŵyl Basg Mudiad Adfer yn bwriadu cynnal Ymryson y Beirdd yn Ninorwig nos Iau, Mawrth 30 am 7.30. Ymryson fydd yma rhwng Papurau Bro Eco'r Wyddfa, Llais Ogwan a Llew. Os oes rhywun o Fro'r Eco a garai gynrychioli'r tîm ymryson, a fyddai cystal â chysylltu â Glyn Thomas, 1 Bro Elidir, Dinorwig ar unwaith? Pob hwyl i dîm yr Eco yn y gystadleuaeth.

'Roeddwn yn falch iawn o glywed beirniad llên Eisteddfod Ysgol Brynrefail yn fawr ei glod am gynhyrchion llên yr Eisteddfod. Ddisgyblion Brynrefail beth am i rai o'r cynhyrchion hyn weld golau dydd yn yr Eco?

Ychydig fisoedd yn ôl cwynais am nad oedd yr un bardd o'r Waunfawr wedi anfon llinell i'r Llannerch. 'Roedd Mrs. Mary Awstin Jones, chwarae teg iddi, wedi anfon y gerdd hon ers tro i mi — ond i ddyfynnu ei geiriau hi: "Mae'n amlwg iddi fynd rhwng y post a'r pared". Dyma ddyfyniad arall o'r llythyr: "Ni ddylai fod prinder cerddi yn y Waun, gan i wyth gael eu hanfon i Steddfod yr ardal yn ddiweddar, ac yn ôl y beirniad 'doedd yr un wael yn eu plith". Cerdd Mrs. Jones a ddyfarnwyd yn orau, ac fe gaiff hi y gweddill o'r Llannerch am y tro.

Hwyl fawr,
Selwyn

Dyma englyn o waith Hywel Cernyw i'r Ysgolfeistr:

Diwyd agorwr deall, — sigla fyd,
Yw'r Ysgolfeistr diball;
Heb draha cywira wall,
A sieryd wrth oes arall.

LLWYBRAU'R FRO

Dau ohonom un prynhawnddydd,
Ar siwrnai braidd yn faith,
Yn crwydro llwybrau'r ardal,
A difyr oedd y daith.

Cychwynasom wrth y Betws,
Troi trwy'r fynwent ar y dde,
Troedio'r llwybr rhwng y rheiliau
Oedi ychydig tua'r lle.

Yna ymlaen trwy llwybrau'r caeau
Heibio Tŷ Isa a'r Garreg Fawr
Gyda godre clogwyn Treflan
Lle 'roedd mes yn huddo'r llawr.

Cerdded wedyn 'draws Cae Heilyn
A dod allan trwy'r giât gron,
Gwastadfaes, mi aethom ffordd 'no
Dal ymlaen a heibio'r Fron.

Wrth Rallt Goch, fe droe'n i'r aswy
Gyda'n golwg ar Gefn Du,
Pasio pentre Hafod Oleu,
Lle mae estron ym mhob tŷ.

Sôn am lanast wrth y chwarel,
Pwy sy'n lluchio, medde chwi
Ac yn gwagio pob hen sbwriel,
Nes creu dym p o'n llwybrau ni?

Dringo i fyny llwybr Bendas,
A'r grug yn pigo'm coesau i.
Gweld y defaid yn cynhyrfu,
Dros y trum, daeth dyn a'i gi.

Edrych lawr o'r llwybr uchel
A gweld harddwch yr holl le,
Panorama yn ymestyn
O Nant Betws, draw i'r dre.

Troi am adre wnaethom wedyn
Yn ôl am bentref y Waunfawr;
Dilyn llwybr cul Cae Caled
Tra'r haul yn araf fynd i lawr.

Cyrraedd adre, wedi blino,
Ond, O! mi gawsom ni fwynhad
Iachus daith, na chostiodd ddimai,
Llwybrau'r fro maent i ni'n rhad.

O.N. Rydym yn awyddus i gael
gwybod pwy oedd buddugwr yllinell
goll — gadewch i Selwyn neu'r
golygydd wybod.

GWILYM JONES Monumental Works LLANRUG

Gwaith Coffaol o bob math
mewn llechi a gwenithfaen gan
grefftwyr lleol

FFÔN
CAERNARFON 2898

O GABAN

CANIG AR ACHLYSUR CYFARFOD CYN-CHWARELWYR

Trwy garedigrwydd T. ac A. Milburn, Star, Gaerwen



Yn ystod y mis aeth heibio cynhyrchwyd rhaglen ddogfennol o sylwedd gan HTV yn darlunio sefyllfa bresennol cyn-chwarelwyr Dinorwig. Cawsom ein hatgoffa unwaith eto o effeithiau niweidiol llwch ar gyn-weithwyr y Chwarel. Mae'r chwarelwyr hyn wedi ffurfio Cymdeithas a'u man cyfarfod bob amser yw y Star yn y Gaerwen, Ynys Môn. Canwyd geiriau a gyfansoddwyd yn arbennig ar gyfer yr achlysur gan Mr. George Morris.

GWLEDD GŴYL DDEWI o ffwrn

Y Lolfa



TEITHIAU GERALLT
gan R. Gerallt Jones ac Eric Hall £2.25
Ar drywydd Gerallt Gymro i Gymru'r Canol
Oesoedd; yn llawn o hanes a rhamant y
cyfnod, gyda dros 100 o ffotograffau hyfryd.

Cyfes y Beirdd Answyddogol
GWELD YR HAUL
gan Heini Gruffudd 75c
Cyfrol o fawl i'r Blaid Lafur, Cyngor y Celfyddydau, Prifysgol Cymru —ac Ysgolion
Cyfun Dwyieithog!

THE WELSH EXTREMIST
gan Ned Thomas £1.75
Argraffiad newydd deniadol.



13. Y LLEWOD YN CODI ANGOR
gan Dafydd Parri 75c
Y Llewod yn ennill gwobr ac yn mynd ar
daith gyffrous i Bremen ar y Prins Siegfried.

14. Y LLEWOD YN Y STEDDFOD
gan Dafydd Parri 75c
Antur, cyffro, perygl ar Faes yr Eisteddfod
Genedlaethol!

*Y rhain yn cynnwys holl fanylion y
GYSTADLEUAETH fawr newydd gyda 4
gwobr o daith i BREMEN a HAMBURG!!!

Cofiwch am ein CATALOG newydd 24-tudalen.
Yn rhad ac am ddim i chi gyda throad y post!

Y Lolfa

Talybont Ceredigion ffôn 304

Fe gawsom wahoddiad i
Am gaffi y Gaerwen bu
Ond heno'r chwarelwyr
Ni welwyd mewn hanes

Chwarelwyr Dinorwig, o
A phawb gyda'i stori, ei
Yn wŷr ac yn wragedd,
Yn uno mewn swper a d

Ail-fyw yr hen gyfnod d
Ar glogwyn Dinorwig m
Daw eto rhyw adlais o g
A miwsig diffino yr ordo

Huw Berth gyda'i wagan
Yn symud tunelli o rwb
Jac Darron a'i deulu yn
Hen gwlwm y llongwr a

Huw Bryn ar y clogwyn
A'i bylor yn barod am g
Mered a Wil Robaits a W
A'u bargaen fel tresal yn

Ond, beth yw y bloeddi
Wil Betws yn chwerthin
A Harri Llanddeiniol, y
Yn galw rhyw enwau cy

Ond os wyf am gadw fy
Wel rhaid gwneud cyfeir
Now John, wyt ti'n cofi
Hen hogiau y Crystyn fu

Jac Owen Pwllbudur, Ne
A'r odiaf ohonynt, John
Glanaber a Jackson, a N
Kind Fellow heb faco a'i

Hen Gonwy and Compas
Yn methu mynd allan, h
Ond er yr holl lafnio yng
Mor felys yw cofio y dy

I lawr yn y Felin hen ho
A'r Yank yn ei afiaith yn
Wil Sinc a'r hen Eban a C
Hen dri garwn gofio cyn

Yr un oedd y stori drwy
O'r Lernion i'r Muria a'r
Ynghanol eu lludded 'ro
Rhwng muriau'r cabana

Ond melyn yw heno cael
Cymdeithas hen hogiau
O gopa'r Elidir dros dra
Arhosed atgofion y wled

Tywydd Mawr

Os yw gwyddonwyr yn gywir
bydd y tywydd oer a'r eira a
gawsom yn ddiweddar yn
gyffredin iawn yn yr ugain
mlynedd nesaf.

Bu gwyddonwyr y wlad hon,
America a Rwsia yn edrych yn ôl
ar aeafau'r blynyddoedd a fu a
chanfod bod 180 o flynyddoedd
ac am rhyw ddeng mlynedd fod y
gaeaf yn galed iawn gydag eira
mawr dros y wlad.

Yn nechrau'r bedwaredd ganrif
ar bymtheg byddai ffeiriau yn cael
eu cynnal ar y rhew ar yr afon
Tafwys yn Llundain am flynydd-
oedd bob gaeaf, a'r wlad o dan
eira mawr am ddyddiau, ond mae
dau gysur yn ôl y gwyddonwyr
bydd yr haf yn boethach fel yr
haf dwy flynedd yn ôl a nid ydynt
yn gywir bob tro chwaith.

Y CHWAREL

Gaerwen, Sir Fôn,
lawer o sôn;
y'n hawlio y clod;
r fath fynd a dod.

Arfon a Môn;
itgof neu dôn,
n hapus a ffri,
pyn o sbri.

euliasom ynghyd,
r hapus ein bryd;
niad corn un,
a'r hen gŷn.

a John gyda'i raw
a baw:
agdu hen raff,
hopeth yn saff.

nor bwyllog ei law,
n caniad naw,
Tomos Twt,
in ac yn dwt.

a glywaf uwchben?
ies ysgwyd y nen,
ydyg is lawr,
ddeiriog o fawr.

ghorffyn yn iach,
id at Bonc Penrhydd Bach;
'rhen Benny a Moss,
n garfan mor glos?

v Tom a'r hen Êl,
Rowlands Clwt - Bâl;
w bach y Cwm,
bws bach yn llwm?

y, a Cwil Ynys Wen,
b lwyth ar 'i ben?
anoly baw,
dïau, 'rhen law.

au Cae Glas,
trin cerrig bras;
wilym Fachwen,
hoi fy Amen.

Chwarel i gyd,
raich ar ei hyd:
id hiwmor a chân,
wrth danllwyth o dân.

lasu ynghyd,
'n aros o hyd;
Moel y Don,
annwyl hon.

Joni'r Iard

Mae llawer o Chwarelwyr
yn ardaloedd Dinorwig,
Deiniolen, Llanberis a holl
ardaloedd cylch Caernarfon
yn dioddef gyda chlefyd y
llwch.

Mae ein haelod seneddol,
Dafydd Wigley, yn ymladd
yn galed am yr iawndal i'r
dynion hyn. Nid yw wedi
ennill y frwydr yn gyfangwbl
eto, ond 'rwyf yn meddwl y
cawn weld ffrwyth ei lafur
cyn bo hir.

Am hynny, gwnes y gerdd
yma i ddiolch i Dafydd.

DIOLCH I DAFYDD

Mae Arfon heddiw'n deffro
Mewn diolchiadau mawr
I Wigley yn y Senedd
Mae'n ymladd yno'n gawr
Ei waith yw dros Chwarelwyr
A hynny yn ddi-nam
Y dynion sydd yn dioddef
Ac araf yw eu cam.

Mae gwled hen Chwarelwyr
Yn cerdded drwy y stryd,
Eu gwynt o hyd yn pallu
A'r peswch mawr o hyd.
Y dynion a fu unwaith
Yn dringo'r creigiau glas
Ond heddiw wedi syrthio
I glefyd ddigon cas.

Ond Wigley sydd yn gweithio
Yn galed iawn yn wir
A cheisio mae'r lawnderau
A'i lais yn ddigon clir.
Fe ddaw y dydd i Dafydd
Mewn llawnder llawn o wledd
Ac ennill wna i'r dynion
Yr iawndal cyn eu bedd.

Twym Bethel.

HEN YSBYTY'R CHWAREL, LLANBERIS



MAE'N siŵr fod y rhai ohonoch sy'n byw yn Llanberis wedi sylwi fod
pethau mawr ar droed yr ochr draw i Lyn Padarn. Dechreuodd Cyngor
Sir Gwynedd ar gynllun uchelgeisiol i adnewyddu adeiladau hen
ysbyty'r Chwarel, a saif o fewn ffiniau Parc Gwledig Padarn.

Gobeithir y bydd yr adeilad yn barod erbyn haf 1979. Ynddo fe
ddarlunir bywyd Chwarel Dinorwig a phobl a phentref Llanberis.

Mae llawer o wybodaeth eisoes ar gael am dechnegau'r chwarel ond
bwriedir arddangos yn ogystal eitemau diddorol am fywyd cymdeith-
asol a diwylliannol y chwarelwyr.

Os oes gennych luniau neu eitemau yr ydych yn barod i'w benthycu
neu unrhyw wybodaeth ddiddorol arall hoffai Cynllunwyr Sir Gwynedd
glywed oddi wrthy. Buasai deunydd a hanesion am Chwarel Vivian ac
Ysbyty'r Chwarel yn arbennig o ddefnyddiol. Os gallwch helpu sgrifen-
nwch at Swyddog Cynllunio'r Sir, Maesincla, Caernarfon, neu ffoniwch
Caernarfon 4441, Estyniad 4.

Agor Ffiniau'r Gorffennol

gan Mary Lloyd Williams, B.E.M.

Y BWTHYN AR Y BRYN

JOHN Ellis Jones (Elidirfab) oedd awdur geiriau'r gerdd 'Y Bwthyn ar y Bryn'. Taid Mr. John Elis (Perisfab), Nant Peris oedd Elidirfab. Ganwyd y bardd annwyl a hoff Elidirfab yn y bwthyn a welir heddiw ar y bryn ger Gallt y Foel, Deiniolen. Diweddodd ei oes yn Nant Peris. Prentis- iwyd ef yn gerfiwr ar lechau: wedi hynny cafodd swydd o stiward, ac yn olaf pwyswr yn Chwarel Dinorwig.

Gwnaeth Ellis D. Williams, R.A.M., Bangor gerddoriaeth tu hwnt o swynol ar y gerdd. Gwn y bydd pawb ac yn arbennig Cymry 'dros y môr' yn falch o gael copi o'r gerdd.

Dwyn mae cof o flaen fy llygaid
Gymru annwyl, fy hen wlad,
Gyda'r ardal deg lle'm ganwyd
Dyma'r Llan, a bedd fy nhad.

Dyma'r afon wyllt yn murmur
Ar ei thaith i lawr i'r llyn,
Dyma finnau'n crwydro'i glannau
Tua'r bwthyn ar y bryn.

Dyma'r bwthyn gyda'r eiddew
Yn ymglu am ei ddrws:
Dyma'r ardd a'r hen gelynnen
Dyma'r blodau, o mor dlws:
Dyma lais fy mam yn galw
"Tyrd i'r tŷ, fy machgen gwyn!"
Dyma finnau eto'n blentyn
Yn y bwthyn ar y bryn.

Er i flwyddi fyned heibio
Minnau o fy nghartre' 'mhell,
Aelwyd annwyl fy mhentyndod,
Caraf di o hyd yn well:
O! fy mam! a gaf ei gweled?
O, a gaf dywedwch hyn -
Afael yn ei llaw a marw,
Yn y bwthyn ar y bryn.

Elidirfab.

Y PEDWERYDD PENNILL

Beth amser yn ôl bellach dywed-
odd Perisfab ar y radio ei fod wedi
dwad o hyd i lyfr ac iddo weld
pedwerydd pennill i'r hen gerdd.

Dealodd fod ei daid, Elidirfab,
wedi mynd am dro ymhen
blynnyddoedd ar ôl cyfansoddi'r
gerdd i weld ei hen gatref. Canfu
fod y drws wedi ei gloi. Daeth
hiraeth llethol drosto a chyfan-
soddodd y pennill canlynol yng
nghanol ei hiraeth y diwrnod
hwnnw:

Ond fy mam sydd wedi marw
Mae yn huno ym medd fy nhad
Obry ym mynwent ddu Macpela
Hunwch, - Hunwch, riant mad.
Cyngor bach ni chaf fi eto,
Cerydd chwaith, mae'm dagrau'n llyn.
Nid oes heddiw neb i'm derbyn
Yn y Bwthyn ar y Bryn.

Elidirfab.

Cafodd Mrs. Williams y sym-
byliad i ysgrifennu'r golofn hon
o'r gwplad a ganlyn:

"Egyr ffiniau'r gorffennol
A rhoddion aur ddaw yn ôl."

Meuryn.



Y TAD A'R FERCH

Glan Rhyddallt a Mary Lloyd Williams (Mari Lewis Yr Herald Gymraeg)
Bu'r ddau yn sgrifennu colofn wythnosol i'r Herald Gymraeg am 30
mlynedd.

AM DRIP CYFFORDDUS, DIOGEL A RHAD
I BLE BYNNAG Y BO

Eric Morris



Bwsiau Arfon
LLANRUG

FFÔN
WAUNFAWR 254

BETWS GARMON

WEDI SYMUD — Mae Mr. a Mrs. Dennis Bound a Karen, Tŷ Coch, wedi symud i fyw ger yr Amwythig (saf cartref Dennis). Gobeithir y byddant yn hapus yn eu cartref newydd.

PLISMYN — Dymunir pob dymuniad da i Colin Davies, Plas Nant Lodge a Simon Davies, Castell Cidwm ar eu swyddi newydd. Y ddau wedi dewis ymuno â'r heddlu.

DAMWAIN — Da yw deall bod Mrs. A. Edwards, Minffordd yn gwella ar ôl damwain a gafodd a thorri ei braich.

CINIO BLYNYDDOL YMRYSONFA CŴN DEFAID — Fe'i cynhaliwyd yn y Snowdonia Park ar 21 Ionawr. Cafwyd noson hwyliog o 'Siôn a Siân' (gan newid partneriaid!) — gydag Elwyn Gruffydd, Cae 'Sgubor yn M.C. Tynnwyd y rafflau gan Mrs. Megan Bound, Tŷ Coch, a'r enillwyr oedd 1. William, Tŷ Coch; 2. Eric Williams, Bro

Waun; 3. Iolo Jones, Bryn Tegid.

EISTEDDFOD GENEDLAETHOL 79 — Nos Wener, Chwefror 17 mewn Cyfarfod Cyhoeddus yn Festri Capel Salem etholwyd y swyddogion canlynol i Bwyllgor Apêl Lleol Cronfa Eisteddfod Caernarfon 1979; Cadeirydd: Mr. Rhys Williams, Y Llythyrdd; Trysorydd: Mrs. Glanys Williams, Ty'n Weirglodd; Ysgrifennydd: Mrs. Brenda Jones, Bryn Tegid. Cynhelir y pwyllgor nesaf am 7.30 yn Festri Capel Salem ar 17 Mawrth. Taer erfynir am bresenoldeb unrhyw un â diddordeb gan gynnwys o Gaeau Gwynion i Snowdonia Park a hefyd Allt Coed Mawr.

YN YR YSBYTY — Dymunir adferiad buan i Mrs. Margaret Dillon, Minafon, sydd yn Ysbyty Eryri, Caernarfon.



TRIP POBL IFANC

Dosbarth o bobl ifanc o Ysgol Sul Salem, Betws Garmon a welir yn y llun hwn. Ar drip i Gaerdybi yr oeddynt gyda Bws Express Rhostryfan, tua'r flwyddyn 1922. O'r chwith i'r dde yn sefyll: W. Jones, Tyddyn Bach, W.R. Griffith, Caeau Gwynion; W. Evans, Trosgol; W.T. Owen, Rhostryfan (y gyrrwr); G. Roberts, Hafod y Wern; yn y bws: W. Williams, Tai Gwyrfa; R. Lewis, Clogwyn; Robt. Owen, Ystrad Uchaf (eu hathro); J.R. Williams, Tai Gwyrfa; J. Jones, Tyddyn Bach; E. Griffith, Caeau Gwynion; R. G. Roberts, Tynys; H. Jones, Tyddyn Bach; R.O. Pritchard, Plas Isa. Pedwar o'r cwmni sy'n fyw heddiw — W. Williams; H. Jones; R.O. Pritchard a W.R. Griffith — a'r olaf yn unig yn dal i fyw yn yr hen ardal.

DIOLCH AM BOPETH

Dyma lythyr a anfonwyd i Mr. W.A. Jones, Dalar Deg gan Brif Swyddog Tân Gwynedd ar ôl iddo roi ei wasanaeth o wirfodd yn ystod anghydfod y Gweithwyr Tân, i sicrhau diogelwch pobl Llanrug a'r cylch.

Annwyl Mr. Jones,
Argyfwng Tân — Anghydfod
Diwydiannol
14/11/77 — 16/1/78

Erbyn hyn y mae'r llwch yn dechrau aros ar yr anghydfod uchod, ac y mae'r tân ddiffoddwyr i gyd wedi dechrau gweithio yn ôl, yng Nghaernarfon, a hoffwn roi ar gof a chadw fy ngwerthfawrogiad mwyaf i chwi ac aelodau o 'Dîm Tân Cymuned Llanrug', am fod yn barod nos a dydd am y cyfnod hir o naw wythnos.

Mae'n siŵr fod llawer o 'Gysuron personol' a phethau eraill ynglŷn â chartref wedi gorfod cael eu newid a'u haddasu yn ystod y

cyfnod yma er mwyn ffio i fewn ynglŷn â'r paratodau erbyn galwadau allan gan Dîm Tân Llanrug.

Gallaf eich sicrhau fod darpariaethau 'Dîm Tân Llanrug' er mwyn troi allan, a hefyd eu presenoldeb ymhob achlysur o dân y galwyd arnynt i droi allan, yn derbyn fy nghymeradwyaeth uchaf am waith wedi ei wneud yn dda.

Yr eiddoch yn gywir,
T. Eric Edwards,
Prif Swyddog Tân.



Defnyddir
peiriant sugno i lanhau

Simneiau glân am bris rhesymol gan

G. LLOYD

4 PLAS TIRION TERRACE,
LLANRUG

Ffôn: Caernarfon 4781

COLLI CYN-ATHRAWES YN YR AMERICA



Tîm Hoci Ysgol Brynrefail 1929 - 30

Tynnwyd y llun ychydig cyn i Miss Harry ymddeol — Miss Harry ar y chwith a Miss E.A. Roberts ar y dde.

Blin iawn oedd clywed am farwolaeth Mrs. Gwyneth Williams (Miss Harry gynt) yn Efrog Newydd ar 19 Ionawr. Fe ddaw â llu o atgofion i'r rhai oedd yn ddisgyblion yn Ysgol Brynrefail yn y dau-ddegau ac i'w ffrindiau yn yr ardal hon.

Ganed Miss Harry yn Llangennech, pentre rhwng Llanelli a Phontarddulais, ym 1895. Cafodd ei haddysg yn Llangennech ac yn Ysgol Ramadeg Llanelli. Mae'n debyg mai fel disgybl-athrawes y bu am ddwy flynedd yn Llangennech cyn cael ei derbyn i Goleg y Brifysgol, Aberystwyth, lle y graddiodd (B.Sc.) mewn mathemateg a gwyddoniaeth. Bu yn dysgu am gyfnod byr yn Ysgol Ramadeg Aberaeron cyn iddi ymuno â staff Ysgol Brynrefail ym 1921 pan oedd Mr. J.R. Foster yn brifathro. Dysgai fathemateg a mecaneg tan fis Ebrill 1930 pan aeth i'r Unol Daleithiau a phriodi Mr. W. Edwin Williams, brodor o bentre' Brynrefail a oedd eisoes yn gweithio yno. Daeth yn ôl i Gymru droeon a mawr oedd ei phleser o gyfarfod â hen ffrindiau.

Bellach, mae'r cysylltiad ag ardal Brynrefail wedi ei lwyr dorri a diamau mai ychydig o'i theulu sydd ar ôl yn y De.

Fel athrawes, credai mewn disgyblaeth iach; yr oedd yn ddiymhongar a charedig. Rhoddodd wasanaeth diffuant i'r Ysgol fêl y gall llawer o'i disgyblion dystio.

Estynnwn ein cydymdeimlad llwyraf â'i phriod ac â'i hunig fab John a'i deulu.

EISTEDDFOD YSGOL BRYNREFAIL



Parti Pop buddugol —
'Fflamencos' Elidir ac Eryri

**MODURDY
MENAI**



FFORDD CAERNARFON
Y FELINHELI

Ffôn: Portdinorwic 882
Perchennog: J. Evans

DINORWIG

CYMDEITHAS UNDEBOL

LENYDDOL — Yn y Ganolfan, nos Iau Ionawr 19 diddorwyd aelodau'r Gymdeithas gyda noson amrywiaethol dan ofal Mr. a Mrs. J. Haydn Jones a'u cyfeillion o Bangor. Cafwyd eitemau mewn canu, cwisiau a sgets. Llywyddwyd gan Mr. O.R. Williams, a thalwyd y diolchiadau gan Mrs. Betty Peris Roberts.

Nos Iau, Chwefror 9, yn y Ganolfan cafwyd darlith gan y Parch. J. Alun Roberts, Llandudno ar 'Chwalu'. 'Roedd yn llawn o hiwmor, a gwnaed aml bwynt gogleisiol gan y darlithydd. Llywyddwyd gan Mrs. Alice Griffith, a diolchwyd gan Mr. Glyn Thomas.

O'R YSBYTY — Da croesawu gartref wedi bod mewn gwahanol ysbysai, Mr. John E. Thomas, Bwlch Gwynt, o Ysbyty Bryn Seiont; Miss Annie Jones, 6 Bro Elidir o Ysbyty Môn ac Arfon; a Mrs. Laura Williams, Tanyfron o Ysbyty Dewi Sant, Bangor; Mrs. Alice Griffith, Tan y Bwlch, o Ysbyty Môn ac Arfon.

CYFLENWAD DWR — Er bod diffyg dŵr wedi bod mewn rhan o'r ardal yn ddiweddar, rhaid cydnabod bod y Bwrdd Dŵr Cenedlaethol wedi cyflawni rhan o'r gwaith. Mae y Cyngor Cymdeithasol wedi pwyso arnynt. Rhan fechan o'r gwaith sydd wedi ei gyflawni, ond mae gwaith i gael ei wneud i Gronfa Terfyn ac hefyd mae'r Bwrdd Dŵr am amcangyfrif y gost o adnewyddu y pibellau i Fachwen.

MUDIAD ADFER — (Dawns) — Er y tywydd garw daeth criw da o bobl ifainc y fro i'r Ganolfan Gymdeithasol leol nos Wener, Chwefror 17 i ddawnsio yng nghwmni Disgo'r Llais. Diolch i'r hogia, Meirion, Kelvin a Trebor am drefnu'r cyfan. Sicrhawyd £10 tuag at Gronfa Leol Eisteddfod Genedlaethol Caernarfon.

DISGO'R GRAIG — Fe aeth Meirion a Kelvin a'r offer disgo i Ganolfan Cenfes Bethesda i gynnal dawns nos Sadwrn, Chwefror 11. Yn ôl yr adroddiadau cafwyd noson hynod o dda. Diolch i Carl ag Alwyn am gludo'r offer a'r hogia yno.

TREFNU BWS MINI — Mae'r aelodau am drefnu bws mini i fynd i'r ddawns a gynhelir yn Ysgol Dyffryn Ogwen Bethesda ar nos Wener, Mawrth 3. Bydd y grwpiau 'Tocyn Chwech' a 'Madog II' yn perfformio yno. Mae rhagolygon am noson dda. Os ydych eisiau mynd, cysylltwch â Meirion Thomas.

LLYFR BRO 'Hiraeth y Chwarelwr' — Deallwn fod ail argreffiad o'r llyfr ar gael yn awr yn y siopau. Ei bris yw 50c.

PLYGU'R ECO — Mae'n braf gweld cymaint o'r rhai ifainc mor barod i wneud y gwaith da yma. Yn wir 'rydym yn cael dipyn o hwy! yn gwneud y gwaith gyda lola yn cadw trefn arnom! Beth am gael mwy i ddod gyda ni ar y nos Iau olaf o bob mis.

GŴYL BASG ADFER — Erbyn hyn deallwn for Mudiad Adfer yn cynnal Gŵyl Basg y Mudiad yn Ninorwig eleni a hynny o Fawrth 30—Ebrill 1. Mae sawl gweithgaredd ddiwylliannol wedi ei threfnu a bydd croeso cynnes i bawb ymuno yn yr Wyl.

GAIR O BROFIAD



Dyma stori gan Yvette Mumford merch 10 oed o Ddinorwig o'r hyn a ddigwyddodd iddi hi a'i ffrindiau'n ddiweddar. Gobeithio bod eu profiad yn gymorth i atal eraill rhag cael eu temtio i wneud yr un peth:

Wrth ddod i fyny'r llwybr o Fachwen mi welais fod y dŵr yn y twll chwarel wedi rhewi ac mi wnaethom ni ddringo i lawr at y rhew. Adele aeth ar y rhew gyntaf ac wedyn, wrth afael mewn cangen mi es i. Wedyn mi ddaeth Andrea ac wedyn y cwn. 'Roedd Tracy ofn dwad ar y rhew. Mi groesodd Andrea at goeden a dod yn ôl. Mi ofynnodd Adele a minna "pwysydd am fentro i'r ochr arall?" Aeth Tracy ar draws ac ennill. Andrea aeth yn ail ac yna Adele a minna' efo'n gilydd. Mi redodd Andrea a Tracy yn ôl oherwydd eu bod wedi clywed y rhew yn torri. Mi redon ni i'r cyfeiriad arall ac mi ddechreuodd y rhew gracio ac mi ddringasom ni ar graig. Mi waeddodd Adele ar Andrea i alw'r cwn yn ol a dyna ddigwyddodd. Gofynnodd Andrea "Ydych chi'n dwad?" ond 'doedd- em ni ddim yn gallu symud oherwydd fod y rhew wedi cracio. Mi ddywedon ni wrthyn nhw i fynd i chwilio am help.

Rhedodd Andrea a Tracy i'r tŷ agosaf, Fron Goch. Ceisiodd y dyn ein helpu tra 'roedd ei wraig yn ffonio'r "Mountain Rescue". Pan ddaeth y "Mountain Rescue" mi ddringodd un dyn ar raff i lawr atom a'n helpu i'r top. Yna aeth dyn â ni i ambiwlans. 'Doedd dim byd yn mater arnom ni dim ond ein bod yn crynu oherwydd ein bod yn oer ac wedi dychryn. 'Roedd yn rhaid inni fynd i weld y doctor i Lanrug ac wedyn mi gawsom ni fynd adref yn yr ambiwlans. Ar ôl mynd adref mi gawsom ni ginio ac yna mi es i'r gwely.

'Dwi'n meddwl ein bod ni wedi bod yn wirion i fynd lawr yna ac mae'n ddrwg gennym ni am y drafferth wnaethom ni achosi. 'Dydan ni byth am fynd i lawr yna eto."

Tybed ydych chi'r plant sy'n darllen yr *Eco* wedi cael profiad- au yr un mor gyffrous? Os ydych, cofiwch mae croeso i chwi anfon eich hanesion atom.

EISTEDDFOD YSGOL BRYNREFAIL



Kelvin Lewis, Delniolen a Julie Clarke, Llanberis (Dau Gorn Gwlad yr Orsedd).



Parti Glynrhonwy yn cychwyn i Gaerdydd i ddathlu Gŵyl Dewi gyda Hywel Gwynfryn.

R. Hughes Jones a'r Mab

The Butchery
BRYN AFON
LLANRUG
Ffôn: Caernarfon 3188



Cig blasus — prisiau rhesymol

YN EISIAU

Hen Lyfrau Cymraeg

Pob peth newydd ar gael fel arfer

LLYFRAU — RECORDIAU — CARDIAU

SIOP Y PENTAN

YR HEN FARCHNAD, STRYD Y PALAS
CAERNARFON (Ffôn: 5262)

Cefnogwch
ein
Hysbysebwy

BRIWSION Y BRIFWYL

Bu bron i'r Eisteddfod Genedlaethol fynd i ddifancoll yn ystod yr Ail Ryfel Byd.

Ond rhyfel neu beidio, pendefynodd criw bychan o selogion y Brifwyl ym 1940 na châl hynny ddigwydd, yn ôl llyfr sydd i'w gyhoeddi eleni ar gyfer Prifwyl Caernarfon a'r cylch y flwyddyn nesaf.

'Roedd y Brifwyl i'w chynnal ym 1940 ym Mhen-y-bont, Morgannwg, a chyhoeddwyd y testunau. Ond dyfarnodd un o adrannau'r Llywodraeth na ellid cynnal yr ŵyl yno am resymau amddiffynnol rhyfel.

Ffurfiwyd pwyllgor brys bychan gyda hawl gweithredol i sicrhau parhad yr Eisteddfod yn ystod y rhyfel, a llanwodd y BBC y bwlch drwy gynnal Eisteddfod Radio o'r stiwdio yng Nghaerdydd y flwyddyn gyntaf.

Aed ati wedyn i gynnal 'Stedd-fodau bach drwy gydol y rhyfel - yn Hen Golwyn, Aberteifi, Bangor Llandybie a'r Rhos. Buont yn llwyddiant mawr fel y dywed yr awdur, Mr. Ernest Roberts, cynysgrifennydd Llys a Chyngor yr Eisteddfod.

Pigion yw'r llyfr, "Briwsion y Brifwyl", o hynt a helynt yr Eisteddfod yn ystod y can mlynedd diwethaf, ac yn arbennig ei chysylltiadau â Chaernarfon. Yno, meddai Ernest Roberts, yn Eisteddfod fawr 1880 y bu Syr Hugh Owen, yr ysgolhaig a'r addysgwr yn gysylltiedig â hi, y gosodwyd sylfeini'r Brifwyl fel y mae heddiw.

Cyfraniad Ernest Roberts i Brifwyl Caernarfon 1979 yw'r llyfr sydd i'w gyhoeddi gan y pwyllgor gwaith lleol ar gyfer seremoni'r cyhoeddi ym mis Gorffennaf.

Yn ei gartref ym Mangor, eglurodd Mr. Roberts mai hanesion "diddorol a ffeithiol" am bobl a digwyddiadau'r Brifwyl yw cynnwys y llyfr.

Bydd yr Eisteddfod yn ymweld â Chaernarfon y flwyddyn nesaf am yr wythfed tro ers 1880, ac nid oes unman wedi blasu hanes yr ŵyl fwy na'r hen dre.

Ddwywaith erioed, meddai, y bu'r Eisteddfod Genedlaethol yn gysylltiedig ag achosion mewn llysoedd barn - a hynny ddeudro ar draul pobl Caernarfon.

Y tro cyntaf oedd ym 1885 pan ddygodd bardd lleol, a farnai ei fod wedi cael cam yn Eisteddfod Aberdâr, achos yn erbyn y swyddogion ... ac ennill ei iawn.

Yn fuan wedyn, ym 1890, clywyd achos Y Batwn Aur yn Llys Sirol Caernarfon. 'Roedd Côr Mawr y dre wedi ennill y batwn ddwywaith yn olynol ar lwyfanau'r Genedlaethol, ond y cwestiwn oedd pwy oedd piau'r wobwr - y côr neu'r arweinydd. Crewyd y fath ddiddordeb yn yr achos fel y bu'n rhaid ei symud o Neuadd y Dre (y Guildhall) i'r Farchnad, meddai Mr. Roberts. A beth fu hanes y batwn aur wedi hynny? Dyna'r gyfrinach y mae'n ei datgelu yn ei lyfr.

LLYFRAU

AR WIB gan Emrys Evans.
Cyhoeddwyd gan Lyfrau'r Fficer, Y Bala. Pris: £2.50.

Casgliad o storïau a geir yn y gyfrol hon am 'hen dref y chwareli' a'r cylch. Ynddynt portreadir ffordd o fyw sydd bellach wedi darfod. Tyfodd cymdeithas arbennig fel y datblygodd y chwareli. Fel yr edwinodd y chwareli newidodd y gymdeithas hithau. Yn y storïau hyn ceir golwg ar fywyd oes y chwarel fel yr oeddem ni yn y fro hon yn ei gofio, gan ddod â ni hyd at heddiw.

DDARLLEN'SOCH CHI HON?

Gellwch fenthyca unrhyw un o'r llyfrau newydd yma o'ch llyfrgell leol neu'r llyfrgell deithiol.

T.J. Davies - *Cyfle I Nabod*.

Ben T. Hopkins - *Rhos Helyg a Cherddi Eraill*.

Bobi Jones - *Pwy Laddodd Miss Wales?*

Idwal Jones - *Y Llofrudd Da*

John Gwilym Jones - *Crefft y Llenor*

Alan Llwyd - *Barddoniaeth Euros Bowen Cyf. 1. 1946-57*.

Ifor Rees (gol.) - *Dilyn Afon*

Trevor O. Roberts - *Ail Gerddi Llanowain*

J.B. Caerwyn Williams - *Ysgrifau Beirniadol X*

William Williams - *Hiraeth y Chwarelwr*.

YMUNO Â THEATR CYMRU

Ymddiswyddodd John Ogwen yn ddiweddar o'i waith yn yr Adran Ddrama, Coleg y Brifysgol, Bangor, a bydd yn ymuno â Chwmni Theatr Cymru fis Gorffennaf nesaf.

Ar hyn o bryd fe'i gwelir bob pnaawn Sul fel Twm Siôn Cati yng nghyfes deledu'r BBC *Hawkmoor*. Yn y Gwanwyn bydd mewn cyfes deledu arall a wneir gan HTV. Ar ôl hynny, bydd yn ymroi i waith llwyfan fel actor a lluniwr sgriptiau.

Gyda Chwmni Theatr Cymru ym 1968 y dechreuodd ei yrfa. Bryd hynny 'roedd yn un o dri yn ymlafnio i sefydlu'r syniad o theatr Gymraeg broffesiynol. Daeth yn adnabyddus a phoblogaidd ar y llwyfan, y radio, a'r teledu mewn nifer mawr o amrywiol gynhyrchion. Gyda'i wraig, Maureen Rhys, sy'n un o'r ardal, bu ar daith ddwywaith i'r Cwmni gyda'i gyfieithiad ei hun o *Alpha Beta*, ac yn *Dau werth Chwech*, rhaglen a olygwyd ganddo. Lluniodd hefyd adloniant ysgafn ar serch a phriodas *O Ardd Eden...* a berfformiwyd ar y llwyfan a'r radio gan y ddau.

"Bu newid a datblygu mawr ar Gwmni Theatr Cymru tros y deng mlynedd diwethaf", meddai, "ac mae derbyn cynnig i fod yn rhan o'i ddyfodol yn bleserus a chynhyrfus iawn".

PREGETHW, ARCHDDERWYDD, COFIADUR, ATHRO



Anwen Jones gyda'r Parchedig E. Gwynndaf Evans.

SEREMONI GADEIRIO OLAF GWYNDAF

Mis Ebrill bydd y Parchedig E. Gwynndaf Evans yn ymddeol o'r ysgol, ac oherwydd hyn yr oedd peth tristwch yn perthyn i'r Seremoni Gadeirio. Ef oedd yn gyfrifol am y seremoni gadeirio gyntaf yn yr ysgol 20 mlynedd yn ôl. Anwen Jones, Penisarwaun enillodd y gadair eleni, ac yn rhyfedd iawn aeth y gadair gyntaf, hefyd i ferch o Benisarwaun, Meira Owen, Cae Corniog.

Dyma un o gerddi diweddaraf y meist'r ei hunan. Mae'n bleser gan yr Eco ei chyhoeddi gan ddyfuno'n dda iddo ar ei ymddeoliad.

GLANNAU MENAI

Lannau Menai! Dy leiniau mwynion Sydd lle cyferfydd Môn ac Arfon Ar fin y dŵr; Rhufain a'i dewrion Ynghwsg, a'r Castell a'i ddichellion; Rhu'r cewri ar y cyrion, - safant hwy - Mynyddoedd mwy na mynyddoedd Môn.

Mynych i lannau Menai
Y daw Mawrth yn nillad Mai;
Daw rhodres ceiliog ffesant
I goed ei blas gyda'i blant;

A hinion hael gwanwyn haf
Yn gwywo'r gwanwyn gaeaf.

Mwynach yw glannau Menai
A su eu mêl ym mis Mai
Na'r hedd a rydd hiddyd ha'
O brofi'r Costa Brafa;
A thra rhed llanw a thrai
Mwynach fydd glannau Menai.

Ar lannau Menai mae'r merlyn mynydd
Efô a'i hil o'u cynefin foelydd
Yn gefnog dalog ar borfa'r dolydd;
Yn yr haf daw yntau'n rhydd -

i droi'n ôl,
Yn ôl fel gwennol i'w rug a'i weunydd.

I lannau Menai daw heulwen minos
I ysu cariad gwefusau ceirios;
A rhyw un draw ar y rhos - mewn

alaeth
Ond gwaeth na'r hiraeth, - ofer ei
haros.

O lannau Menai - Goleuni Mwynaf
Y Fangre Dawel drwy'r niwl a welaf;
Am hud yr Afon fy mad a rwyf af;
Cyn rhoddi ffarwel i'r Gorwel Garwaf;
Tery'r Haul ar fflwrtiau'r Haf, - ac i'r
Glyn

Daw'r Gorfoledd Gwyn yn dynn
amdanaf.

E. Gwynndaf Evans.

GWERTHFAWROGI GWASANAETH

Dodwyd gwin Champagne gan Reolwr Gwesty Brenhinol Fictoria Llanberis yn ddiweddar i'w staff, ac yn arbennig felly i ddau ohonynt. Anrhegodd Mr. Guto Parry, Rheolwr y Grŵp, Mr. a Mrs. David T. MacKean, 6 Maes Derlwyn, Llanberis, ar ran cyfarwyddwyr y cwmni, Benj Ackerley Holdings Ltd., a set deledu lliw. Gwnaed hyn mewn gwerthfawrogiad am eu gwasanaeth i'r gwesty am dros chwarter canrif. Diolchwyd i'r ddau am eu defosiwn gan Mr. Graeme Sutherland, Rheolwr, ar ran y staff.

E.W.&M.WILLIAMS



Y BECWS DEINIOLLEN

FFÔN : LLANBERIS 232

BARA FFRES - TEISENNAU BLASUS !

(Rydym yn arbenigo mewn teisenau Priodas)

DOSBARTHWN BOB LLUN, MERCHER A GWENER
YN NEINIOLLEN, DINORWIG, FACHWEN

PENISAR WAUN

SEFYDLIAD Y MERCHED — Cynhaliwyd cyfarfod blynyddol o'r Sefydliad yn yr ysgol nos Fawrth, Ionawr 24. Llywyddwyd gan Mrs. Jones, Cae Corriog. Estynnwyd croeso i Mrs. Thomas o Gaernarfon fel V.C.O. a dwy o sefydliad Caernarfon i gyfiri'r pleidleisiau. Dewiswyd Mrs. A. Jones yn llywydd a Mrs. Margaret Williams yn ysgrifennydd a Mrs. Percy Williams yn drysorydd. Darparwyd y te gan Mrs. Betty Hughes a diolchwyd iddi gan Mrs. N. Jones. Diolchwyd i'r swyddogion am eu gwaith yn ystod y flywyddyn. Nos Fercher, Chwefror 1 aeth tîm dartiau o sefydliad Penisarwaun i chwarae yn erbyn tîm dartiau sefydliad Caernarfon. Cafwyd noson ddiffr iawn er mai colli fu rhan tîm Penisarwaun. Y chwaraewyr oedd Mrs. M. Davies, Mrs. G. Williams, Mrs. Eiriona Williams, Mrs. A. Jones a Mrs. Margaret Williams.

GWAITH CYNGOR — Da oedd gweld dechrau gwaith ar Stryd Fawr Deiniolen. Yn ôl adroddiad oddi wrth Gyngor Sir Gwynedd, mae'r cynghorydd Pat Larsen ar ddeall y bydd y gwaith wedi ei gwblhau cyn diwedd y mis nesaf.

DIOLCHIAU — Dymuna Tony a Mary, Bryn Eglwys ddiolch i'w cymdogion ac yn wir i'w cyfeillion i gyd am eu caredigrwydd a'u cymwynasau iddynt yn eu profedigaeth o golli tad Tony.

CLWB YR HEULWEN — Bydd Clwb yr Heulwen yn allddechrau pnawn Mercher, Mawrth 22.

ENNILL CADAIR — Llonyfarchiadau i Anwen Jones, Meillionydd am ennill Cadair Eisteddfod Ysgol Brynrefail. Yr oedd pawb yn falch o'i champ a ddaeth ag anrhydedd i'r pentref.

YMWELIAD Â CHWM BRÂN — Da oedd clywed bod Cymdeithas Gelfyddydau De-ddwyrain Cymru yn recordio cerdd o eiddo Tony Elliott at wasanaeth 'Clywch y Beirdd' ar y ffôn. Bydd Tony yn teithio i Gwm Brân i recordio'r gerdd.

PWYLLGOR LLEOL YR EISTEDD-FOD — Mae pob aelod o'r pwyllgor uchod yn barod i dderbyn cyfraniadau tuag at yr Eisteddfod. Yn sgll y cylchlythyr mae amryw wedi cyfrannu ac mae'r pwyllgor yn ddiolchgar iddynt am eu haelioni, Gweler isod enwau aelodau'r pwyllgor:

Mr. Glyn Evans, Mr. Cynrig Hughes, Mrs. Carys Hughes, Miss Olwen Price, Mrs. Pat Larsen, Mr. Tony Elliott, Mr. Leslie Jones, Mrs. Eluned Jones, Mrs. Nant Roberts, Mr. Tegid Roberts, Mrs. Eluned Porter, Mrs. Katie Williams, Mrs. Percy Williams, Mrs. Eleanor Williams, Miss Ph. Ellis, Mrs. Delyth Williams.

MARW — Trist oedd clywed am farwolaeth Mrs. Elizabeth Williams, 3 Llys y Gwynt, Daeth o Lanrug i dai'r henoed ym Mhenisarwaun ychydig o flynyddoedd yn ôl.

GWELHAD BUAN — Clywsom fod Mrs. A.M. Naylor, 1 Cefn Coed yn Ysbyty Eryri. Yr ydym yn dymuno gwelhad buan iddi.

BRYN REFAIL

Y GYMDEITHAS LENYDDOL — Yng nghyfarfod mis Chwefror, treuliodd noson ddiddorol yng nghwmni Mr. Henry Lloyd Owen, Rhosbodruall. 'Natur' oedd ei destun. Ymdriniodd yn gelfydd â'i bwnc gan adrodd llawer o'i brofiadau yn ymwneud â bywyd cefn gwlad. Diolchwyd iddo gan Mr. Elfed Roberts a pharatowyd lluniaeth gan Mrs. Betty Owen a Mr. Islwyn Williams. Enillwyd gwobr y noson gan Mr. G.W. Williams. Cynhelir Swper Gŵyl Ddewi yng Ngwesty Plas Maenan ar Fawrth 2il a'r wraig wadd fydd Mrs. Eira Lewis Roberts, Dolwyddelan.

YN YR YSBYTY — Dymunwn wellhad buan i'r canlynol sydd mewn ysbytai: Mrs. Rhian Jones, 3 Trem Eilian, Mrs. Katie Jones, Adwy'r Dŵr a Mrs. Sheila Roberts, Llwyn Helyg.

PROFEDIGAETH — Ychydig wythnosau'n ôl yr oeddym yn cydymdeimio â Mrs. Dilys Jones, Cytir ym marwolaeth ei brawd. Blin iawn gennym yw datgan cydymdeimlad â hi unwaith yn rhagor ar farwolaeth ei modryb, Mrs. Jennie Hall. Wedi byw am gyfnod o'r ardal, dychwelodd Mrs. Hall i fyw gyda'i nith yn y Cytir rai blynyddoedd yn ôl lle cafodd ofal tyner ac arbennig iawn a chyrraedd oedran teg o saith a phedwar ugain. Yr oedd yn wraig siriol a phob amser yn felys ei sgwrs, a chwith yw ei cholli o'n plith.

AR Y RADIO — Cymerodd Mrs. Nellie Williams, Glanffrwad a Mr. Meredydd Foulkes, Brynderw ran yn y rhaglen wythnosol 'Rhwyng Gŵyl a Gwaith', nos Sul, Chwefror 5ed. Bu'r ddau yn adrodd eu hatgofion am y bardd R. Williams Parry pan oedd yn athro ym Mrynrefail yn yr Ysgol Ramadeg ac yn lletys ar y pryd yn ffermdy Brynderw.

CLWB PEDWAR UGAIN — Fel rhan o weithgareddau'r Clwb, cafwyd noson adloniadol gyda disco i ddathlu Gŵyl Ffolant yng Ngwesty'r Victoria, Llanberis. Ar ddiwedd y noson cafwyd gemau amrywiol gyda gwobrwyon.

Enillwyr wythnosol y Clwb: 21.1.78: 1. Barbara Heatherly, Bryn Madog; 2. Helen Roberts, Llwyncoed Bach; 3. Geraint Morris, Dinorwic House; 28.1.78: 1. Pat Jones, Cae Coch; 2. Bertie Roberts, Llwyncoed Bach; 3. Elwyn Jones, 1 Trem Eilian; 4.2.78: 1. Ada Jones, Ty'n Twll; 2. Owie Roberts, Llwyn Helyg; 3. Phyllis Jones, Gors. 11.2.78: 1. Eifion Roberts, 8 Trem Eilian; 2. L.P. Williams, Godre'r Coed; 3. Euronwy Roberts, 8 Trem Eilian. 18.2.78: 1. Eirianwen Evans, 6 Trem Eilian; 2. Elsie Roberts, 9 Trem Eilian; 3. Helen Jones, 5 Trem Eilian.

SEFYDLIAD Y MERCHED — Cyfarfu'r gangen nos Iau, Chwefror 16. Cafwyd sgwrs a dangoswyd lluniau o Gwm Dyli gan Mr. Islwyn L. Jones, Bethel. Mrs. Jennie Hughes a Mrs. Olwen Jones oedd y gwestwragedd.

CLWB Y MAMAU — Nos Iau, Chwefror 9, cafwyd cwis dan ofal Mrs. Moira Ellis, Gwledfa. Darparwyd y te gan Mrs. Jean Jones a Mrs. Sheila Roberts. Trefnir Noson Goffi i'w chynnal ddiwedd mis Mawrth.

EISTEDDFOD CAERNARFON 1979 — Nos Fercher, Ionawr 25, mewn Cyfarfod Cyhoeddus yn Festrir Capel etholwyd y swyddogion canlynol i Bwyllgor Apêl Lleol Cronfa Eisteddfod Caernarfon 1979: Llywydd: Mr. Kenneth Jones, Cae Coch; Ysgrifennydd: Mr. David G. Ellis, Gwledfa; Trysorydd: Mr. Islwyn Williams, Godre'r Coed. Yn bresennol o'r Pwyllgor Cyllid yr oedd Mr. Iolo Llywelyn, Llanrug i'n hysbysu mai nod

EISTEDDFOD YSGOL BRYNREFAIL



Rhai o'r ymgeiswyr yn y gystadleuaeth offerynnau heblaw piano

ELIN OWEN Y MANGL

Gwraig fechan, gron brysur oedd Elin Owen. Yn weddw yr ydwyf fi yn ei chofio, a hynny gryn dipyn dros hanner can mlynedd yn ôl.

Annibynwraig selog wrth ras, ac iddi ddwy ferch; Elin, yn dal a heini, a Jane oedd a'i haelodau yn hollol ddiymadferth, nes ei bod yn gwbl analluog i wneud dim gwaith ar wahân i wneud negesau i'w mam, a throi y mangl mawr dwbl-hand gydag Elin ei chwaer. Tymer fel cacwn gan Jane.

Fel y tybler oddi wrth y teitl uchod, Elin Owen oedd "Laundry" y pentref yn "cymryd golchi" teuluoedd lawer.

Adeilad bychan oedd yn gyfochrog â'r Newborough oedd y "Landri", ac yn y llain cyfagos y byddai dillad y pentref yn chwifio yn y gwyn.

'Roedd yno leiniau di-ri, ac ar ddyddiau braf, 'roeddynt yn llawn o ddilladau o bob llun a lliw — buasai baneri'r Olympics yn edrych yn ddwl iawn o'u cymharu â lliwiau leiniau Elin.

Ar wahân i fod yn berchennog y "Landri", Elin hefyd oedd "Mid-wife" y pentref, cyn dyfod y weinyddes ranbarthol.

Ni chafodd fawr o addysg — os rhywfaint yn wir — a dim hyfforddiant nysio o gwbl, ond fe syrthiodd i'r gwaith yn rhyfeddol.

Yr oedd yr annwyl Dr. John Roberts, Llanberis, yn meddwl y byd ohoni, a byddai Elin yn bresennol bron ar bob genedigaeth yn y cylch, a'r ddedfryd bob amser fyddai "y babi noblia welais i'rioed".

Lawer gwaith y clywid Elin, yn oriau mân y bore, yn closio drwy'r pentref — rhywun "yn disgwyl" yn rhywle.

Yn ei chartref bach taclus y byddai y "Relieving Office" — y Llin, chwedl Elin — Mr. J.R. Jones, Bryn Mair, Llanrug, yn cyfarfod i ddosbarthu Cardod Plwyf i'r tlawd — coron y mis, os cofiaf yn iawn.

Fydd yna ddim cymeriad i'r peiriannu golchi a'r laundrettes a gymerodd ei lle, ond mae Elin yn gorwedd yn dawel ym mynwent Llanrug ers dros hanner can mlynedd bellach, yn fawr ac annwyl iawn ei pharch gan bawb a'i cofia.

W. Morris Jones, Hafod, Fairlands Crescent, Rhuddlan, Clwyd.

Y BLAID LAFUR

Bu Mr. Tom Ellis, A.S. dros Wrecsam a Mrs. Ellis, a Mr. Merfyn Hughes, darpar-ymgeisydd Llafur Etholaeth Caernarfon a Mrs. Hughes yn westeion mewn cyfarfod yn cynnwys cinio a dawns yng Ngwesty Royal Victoria, Llanberis.

Cynlluniwyd y noson gan Gangen Dyffryn Peris. Y Cynghorydd Francis Jones oedd y llywydd.

Yn ei araith ar ôl y cinio, datganodd Mr. Ellis ei gred fod gwir radicaliaeth Gymreig i'w chael yn ardaloedd y chwareli, ac 'roedd yn gobeithio y byddai Llafur yn ad-ennill y sedd cyn bo hir.

Mynegodd Mr. Hughes ei bleser o glywed am yr anrhydedd a ddaeth i Syr Elwyn Jones o Fangor ac i Mr. Emyr Thomas o Gaernarfon yn ddiweddar.

Diolchodd Mr. Cledwyn Williams, Cadeirydd y Blaid Lafur Etholaeth Caernarfon, i bawb a oedd wedi helpu gwneud y noson mor llwyddiannus.

Bu'r grŵp 'The Islanders' yn diddanu'r cwmni am weddill y noson.

'Roedd Mr. Peter Clarke o'r A.U.E.W. a Mrs. Dilys Jones yn gyfrifol am y trefniadau.

**Wavell
Roberts
CIGYDD**

**LONDON HOUSE
LLANRUG**

**Ffôn: Caernarfon 3574
PEN CIGYDD Y FROI**

**Yr ŵyn lleol mwyaf
blasus**

**Selsig cartref, cigoedd
parod i'w bwyta
Archebion ar gyfer
y rhewgist**

**MYNNWCH Y GORAU
A DEWCH ATOM NII**

yr ardal yw £600. Mewn pwyllgor pellach, penderfynwyd rhannu'r nod o £600 yn £40 i'w godi yn fisol trwy wahanol weithgareddau. I gychwyn y gronfa, trefnwyd i anfon i bob cymdeithas a chlwb yn y pentref am gyfraniad. Da yw datgan fod y gronfa ar hyn o bryd yn £130, drwy ymateb rhagorol rhai o'r cymdeithasau. Trefnir raffi ar gyfer mis Mawrth.

COFIO MR. TOM EVANS, LLOC, LLANRUG

gan W.O. Roberts

COLLED ddirfawr i ardal Llanrug, (ac yn wir i gylch llawer ehangach) ydoedd marw annisgwyl y gŵr siriol hwn nos Sul, Ionawr 29 ac yntau ar ei ffordd i'r oedfa yn y Capel Mawr.

Un o feibion sir Fflint ydoedd — genedigol o'r un pentref â'r tenor poblogaidd David Lloyd — Trelogan. Wedi gadael ysgol prentisiwyd ef fel groser gyda Mr. Vickers Llanasa. Bu'n gwasanaethu gyda gwahanol gwmnïau yn Lerpwl a Gogledd Cymru am rai blynyddoedd. Yn 1933 priododd â Mrs. M.E. Roberts, Talybont, Dyffryn Conwy, a bu'r briodas yn batrwm o gydweithio dedwydd i'r diwedd. Yn 1934 ymsefydlodd y ddau mewn busnes eu hunain yn y Llythyrdd Lloc, ger Treffynnon, lle y treuliasant dros 30 mlynedd yn llawn gwaith, ac yn uchel eu parch hyd eu hymddeoliad ddeuddeg mlynedd yn ôl, pryd y symudasant i Lanrug.

Wrth gofio Tom Evans ni allwn lai na'i ddisgrifio fel 'gweithiwr di-fefl.' Pa beth bynnag a wnâi, fe'i gwnâi â'i holl egni. Gwasanaethodd ei gapel yn ei fro enedigol pan oedd yn ifanc iawn. Rhoddodd wasanaeth teilwng i'r Eglwys Fethodistaidd yn Lloc fel Blaenor, a bu am flynyddoedd yn Arolygwr Cylcholaeth Treffynnon. Gwasanaethodd hefyd ar wahanol gynghorau a phwyllgorau yn yr ardal. Yr oedd bob amser wrth ei fodd yn gwasanaethu ei gyd-ddynion mewn byd ac eglwys a gwnâi hynny gyda graen.

Ar ei ddyfodiad i Lanrug, ymdafloodd â'i holl galon i fywyd yr ardal. Ymaelododd yn Eglwys y Capel Mawr gan gymryd ei ran yn naturiol yn holl waith yr eglwys o'r dechrau. Yn fuan wedi iddo ddod atom ar sail ei barodrwydd a'i allu i wasanaethu dewisodd yr eglwys ef yn flaenor. Ni allai un eglwys gael arweinydd mwy ymroddgar nag a gafodd Capel Mawr Llanrug yn Mr. Tom Evans. Gwasanaethodd fel Cyhoeddwr o Sul i Sul, ac ef oedd Ysgrifennydd yr Eglwys ers rhai blynyddoedd. Fe'i galwyd adref ac yntau yn rhinwedd ei swydd fel ysgrifennydd bron â chwblhau gwaith o ddwyn allan Adroddiad yr Eglwys am 1977.

Yr oedd ganddo feddwl mawr o'r Ysgol Sul, lle'r oedd yn athro ymroddgar ac yn arolygwr.

Gwelodd Cyfarfod Dosbarth Eglwys Presbyteriaidd Cylch Llanberis ei werth gan ei ddewis yn Ysgrifennydd a rhoddodd wasanaeth teilwng i gylch ehangach Henaduriaeth Arfon.



Dyma lun ohono'n ŵr ifanc tu allan i ddrws y siop.

Er mai crefydd a gafodd y lle blaenaf ym mywyd Tom Evans bu'n hynod o weithgar mewn cylchoedd eraill yn yr ardal. Yr oedd yn "ddyn ardal" da. Fel pob Cristion go iawn yr oedd ganddo gonsyrn am bob agwedd ar fywyd ei gyd-ddynion. Yr oedd yn aelod defnyddiol o Gyngor Cymdeithas Llanrug ac yn Gyn-gadeirydd o'r cyngor. Un o'r pethau eraill a roddodd fwyndd i'r oedd oedd hyrwyddo llwyddiant yr Ysgol Feithrin yn yr ardal. Ymddiddorai hefyd yn Eco'r Wyddfa fel rhan o fywyd ei ardal. Fel Dosbarthwr ymhyfrydai yn y ffaith ei fod yn cael y fraint o anfon ein papur bro i bellafoedd y ddaear, a thrwy hynny yn cael rhan er hyrwyddo ei lwyddiant.

Bu ei angladd ddydd Mercher, Chwefror 1. Cafwyd gwasanaethau yn ei gartref ac yn Amlogfa Bangor o dan arweiniad ei weinidog. Daeth llu o gyfeillion o Glwyd a Gwynedd i dalu'r gymwynas olaf i un y teimlir ei golli gan lawer am hir amser. Cydymdeimlir yn ddwys iawn â Mrs. Evans ei wedd, a'i fab Mr. Dewi Evans, a'r teulu i gyd yn eu colled a'u hiraeth.

NANT PERIS

YMDDIHEURIAD — Y mae'n wir ddrwg gennyf i mi adael allan o rifyn diwethaf yr Eco fod plant yr ardal a'r mamau ifanc wedi cael treulio prynhawn difyr iawn yn Theatr Gwynedd Bangor yn gweld y pantomeim Cinderella. Mwynhaodd y plant a'r mamau eu hunain yn ardderchog. Talwyd costau y plant gyda chyfran o elw y Carnifal ac yr ydym yn wir ddiolchgar i bawb a wnaeth y trip i'r plant yn bosibl, ac yn enwedig i Mrs. Brenda Roberts, Glanrafon am ei gwaith. Gwnaeth ymdrech lew i gael tocynnau i'r pantomeim Cymraeg i'r plant ond er ei holl ddychwch methu a wnaeth. Diolch yn fawr iawn ar ran y plant a'r mamau i Brenda.

CYNLLUN TRYDAN DINORWIG — Nos Lun, 13 Chwefror daeth Mr. W. Williams sydd ar staff y C.E.G.B. i Festri Rehoboth i ddangos sleidiau, ac i egluro'r gwaith a wneir yn y chwarel ac yn y Nant ynglŷn â chynllun Trydan Dinorwig. Cafwyd noson ddiffr ac addysgiadol yng nghwmni Mr. Williams a diolchwn iddo am ddod yma i egluro amryw o bwyntiau inni. Da oedd gweld cynifer o'r ardalwyr wedi dod i wrando ac i holi. Ar hanner amser darparwyd cwpnau o goffi gan y brodyr a'r elw yn mynd at gronfa leol yr Eisteddfod Genedlaethol Caernarfon 1979.

I'R YSBYTY — Drwg iawn gennym fod Miss Mary Roberts, 4 Glanrafon wedi ei chymryd i'r ysbyty ym Mangor ond da gennym ddaell ei bod wedi setlo i lawr yn iawn ac y cawn ei chroesawu adref yn fuan iawn, wedi llwyr wella. Deallwn mai yn Ysbyty Dewi Sant ym Mangor y mae Miss Roberts; brysiwch fendiol!

LLONGYFARCHION — i Mr. Robert F. Thomas, mab hynaf Mr. a Mrs. Elfed Thomas, 9 Glanrafon ar gael swydd ym Mostyn. Bydd hyn yn golygu y bydd Mr. a Mrs. Robert F. Thomas yn dychwelyd i'r gogledd ar ôl treulio rhai blynyddoedd yn y de.

FFILMAU — Nos Lun, 27 Chwefror dangoswyd y ddwy ffilm, 'Hen dynnwr lluniau' a 'Noson Lawen' gan Wil Aaron, yn Festri Rehoboth, er budd cronfa'r Eisteddfod Genedlaethol eto. Tro'r chwariydd oedd paratoi'r coffi yn y cyfarfod yma a chawsom noson hynod o ddiffr a chynulliad da.

Ac fel rhag hysbysiad, ar 20 Mawrth bydd Parti Merched Ifanc Carmel yma yn ein dddanu drwy ganu, a thipyn o hwyl. Yr ydym yn sicr o gael noson dda ganddynt hwythau. Cofiwch y dyddiad, nos Lun, 20 Mawrth yn Festri Rehoboth. Fel y dywedwyd o'r blaen mae ein targed yn y Nant yn £300 a gofynnir i ni anfon arian bob mis i'r Swyddfa. Yr ydym eisoes wedi anfon £50.50 a bydd Mri. J.W. Elis, 8 Glanrafon, Ken Jones, 10 Glanrafon a J.T. Roberts, Llys Awel yn ddiolchgar iawn am bob rhodd i'r Gronfa Leol. Rhoddir derbynneb swyddogol am bob rhodd o £3 a throsodd a bydd enw'r cyfrannwr ar Raglen y Dydd yr Eisteddfod.

CROESO ADREF — Balch ydym o weld Mr. a Mrs. O.W. Humphreys, Gwastadnant yn ôl yn ein plith ar ôl treulio tri mis o wyliau yn Awstralia.

CEUNANT

O'R YSBYTY — 'Rydym yn falch o groesawu Mrs. Williams, Tŷ Isaf adref o'r ysbyty. Mae ar hyn o bryd yn aros gyda'i merch yn Prysgol. Dymunwn iddi adferiad llwyr a buan.

TAN-Y-COED

EISTEDDFOD — Llongyfarchiadau i blant yr ardal hon o Ysgol Brynrefail am eu cyfraniad a'u llwyddiant yn Eisteddfod flynyddol yr ysgol eleni. Ann Jones, Pant Clyd — Gwnïo; Linda Jones, Pant Clyd — Côr Deulais, Côr Adrodd a Chôr Cerdd Dant; Enid Wynne, Llety Llwyd — Côr; Dylan Bryn Jones, 3 Tai Tan-y-Coed — Parti Cân Fodern Ysgafn.

DECHRAU CANU, DECHRAU

CANMOL — Hefyd ymysg plant ysgol Brynrefail, Llanrug a gymerodd ran yn y gwasanaeth ar y teledu gwelwyd Ann, Linda, Enid a Margaret. Mawr fu'r canmol ar y gwasanaeth hwn.

GWELLHAD — Croeso adre o'r ysbyty i Mrs. Blodwen Hughes, 1 Tai Trefor. Da deall fod Mrs. Hughes yn gwella'n foddhaol. Hefyd i Mr. Jack Williams a gipiwyd i'r ysbyty'n sydyn, ond sy'n awr adre'n ôl ac yn gwella.

YM MYD MODURO

Oherwydd fod gofynion yr M.O.T wedi mynd yn fwy manwl a llym, mae'r siawns i'ch modur fethu'r prawf yn llawer uwch. Mae'n syniad da felly i gael archwiliad ar eich car rhyw fis cyn y prawf. Os digwydd fod darn arbennig yn eisiau, rhydd hyn gyfle i ŵr y garej ofalu ei gael ar eich cyfer, a gall hyn arbed gorfod cadw eich modur oddi ar y ffordd am gyfnod.

Mewn arolwg diweddar (1977) a wnaed gan Gwmni Moduron, ar ddiogelwch 70,000 o foduron, gwelwyd fod, ar gyfartaledd, chwe diffyg ar bob car. Mae'n arswydus i feddwl fod 40% o'r rhain yn ymwneud â'r teiars, yn cynnwys pwysedd anghywir.

Beth am i bawb ohonom roi mwy o sylw i'r "pethau bychain" sy'n holl bwysig i wneud ein ffyrdd yn fwy diogel ym 1978?

STORFA

Mace
S.&E.
Jones
Llanrug

FFÔN: Caernarfon 2790

BLODAU A FFRWYTHAU
YW EIN
HARBENIGRWYDD



Capteiniad Eilian — y tŷ buddugol. Delyth Williams o Gwm-y-glo a Gwilym Roberts o Lanberis.

yddiadur y Mis

Gwener: PENISARWAUN: Chwist yn neuadd yr Eglwys am 7.30. LLANBERIS: Cinio Gŵyl Ddewi y Wawr yng Ngallt y Glyn, WAUNFAWR: Cyfarfod 'Merched y Byd', LLAN-
Llwb yr Henoed. Cyfarfod y
d yn Festri Gorffwysfa am 2
YR ARDAL: Cinio Gŵyl
wb Eryri yn Erw Fair, Llan-
LLANBERIS: Noson 'Cawl
n Erw Fair, Elw at Gronfa
ddfod '79. WAUNFAWR:
ped bechgyn dan 15 oed.
WAUNFAWR: Darlith gan y
Thomas er budd cronfa leol
'79. LLANBERIS: Gyrfa
n nawdd y St. John yn y
am 7.30. Clwb Methodig
LLANBERIS Undeb y
WAUNFAWR: Y Cyngor
s. LLANRUG Merched y
noson o 'Frithyn Cartref' a
n yr Ysgol Gynradd. Cyf-
redinol Blynnyddol y Car-
r Ysgol Gynradd am 7.30.
CWM-Y-GLO: Gyrfa
nawdd Pwyllgor Eistedd-
WAUNFAWR: Pwyllgor
ddfod '79. BETHEL: Cinio
Merched y Wawr yn y Vic-
beris. LLANBERIS: Clwb
yn y Ganolfan am 7.30. -

Noson yng nghwmni Mrs. J.C.L. Williams.
9 Iau: LLANRUG: Clwb Blodau'r Grug yn y Sefydliad Coffa. BETHEL: Swper y Gymdeithas ym Mhlas Tandinas.
10 Gwener: PENISARWAUN: Gyrfa Chwist yn Neuadd yr Eglwys am 7.30. LLANBERIS: Disco yn y Ganolfan am 7, gyda Disco 007 o Fethel. Plant Ysgol Dolbadarn o 7 tan 9, a phlant hyn o 8.30 tan 10.30. Yr elw at Gronfa Leol Eisteddfod '79.
11 Sadwrn: YR ARDAL: Eisteddfod Cylch yr Urdd yn Ysgol Brynrefail. 13 Llun: WAUNFAWR: Cyfarfod Cyhoeddus yn Neuadd yr Eglwys. LLANBERIS: Clwb Methodig Eryri. Cinio Gŵyl Dewi Cymdeithas Llenyddol Capeli MC yn Erw Fair. Gyrfa Chwist dan nawdd y Clwb Pêl-droed yn y Ganolfan am 7.30.
14 Mawrth: LLANBERIS: Noson o 'Wau Noddedig' yn Erw Fair am 7.30. Yr elw at Gronfa 'Steddfod '79.
15 Mercher: CWM-Y-GLO: Swper Gŵyl Dewi Merched y Wawr. LLANBERIS: Bingo dan nawdd Cangen Plaid Lafur yn y Ganolfan am 7.30. 16 Iau: WAUNFAWR: Clwb Gwryfal. YR ARDAL: Cyngerdd yn Ysgol Brynrefail gyda Hogia'r Wyddfa ac eraill. Yr elw er budd Clwb Rygbi'r Ysgol. 17 Gwener: LLANBERIS: Clwb yr Henoed. BETHEL: Clwb y Mamau—Noson Allan gan orffen gyda sgolodion a chyw i'ar. PENISARWAUN: Gyrfa Chwist yn Neuadd yr Eglwys am 7.30. WAUNFAWR: Gemau yng ngofal yr Aelwyd. Yr elw tuag at Gronfa 'Steddfod '79. BETWS GARMON: Pwyllgor Lleol Cronfa Steddfod '79 am 7.30. 18 Sadwrn: YR ARDAL: Steddfod Sir yr Urdd ym Mangor. 20 Llun: LLANBERIS: Gyrfa Chwist dan nawdd y St. Johns yn y Ganolfan am 7.30. Clwb Methodig Eryri NANT PERIS: Noson yng nghwmni Parti Carmel yn Festri Rehoboth.

22 Mercher: LLANBERIS: Clwb y Mamau. PENISARWAUN: Clwb yr Heulwen yn aildechrau cyfarfod. 23 Iau: WAUNFAWR: Merched y Wawr. LLANBERIS: Pwyllgor Steddfod '79 yn Festri Gorffwysfa am 7.30. 24 Gwener y Groglith: 27 Llun y Pasg. 29 Mercher: LLANBERIS: Bingo dan nawdd Cangen Plaid Lafur yn y Ganolfan am 7.30. 30 Iau: LLANBERIS: Sefydliad y Merched. Cyfarfod Cyhoeddus yng nghwmni Mr. Dafydd Wigley A.S. a Chynghorwyr lleol yn Festri Gorffwysfa am 7.30. LLANRUG: Cyfarfod Cyhoeddus y Seindorf am 7 yn y Cwt Band. DINORWIG: "Ymryson y Beirdd" yn y Ganolfan Gymdeithasol am 7.30. Y timau fydd Llais Ogwan, Lleu ac Eco'r Wyddfa. 31 Gwener: PENISARWAUN: Gyrfa Chwist yn Neuadd yr Eglwys am 7.30. DINORWIG: Gêm Bêl-droed yng nghae Penisarwaun am 2 o'r gloch. Noson Lawen yn y Ganolfan Gymdeithasol am 7.30. gyda doniau bro Dinorwig a'r cylch, Tecwyn Ifan, a Glyn Williams

DYDDIAU I'W COFIO

Ebrill 1: DINORWIG: Taith 'Nabod Bro. I gychwyn o'r Ganolfan am 10 o'r gloch. Cyfarfod Cyffredinol i'r aelodau am 3 o'r gloch. Dawns yn y Ganolfan am 7.30.
Ebrill 4: Noson Caws a Gwin yn y Cwt Band LLANRUG. Adloniant gan aelodau o Barti Eryri.
Ebrill 14: Eisteddfod Ysgol Sul Capel Bethel, WAUNFAWR.
Ebrill 19: Gyrfa Chwist ym METHEL.
Ebrill 20 a 21: Eisteddfod Capeli LLANBERIS a NANT PERIS.
Ebrill 22: Cinio Blynnyddol Clwb y Rhos, ym Mhlas Tandinas.

UNDEB RHIEINI YSGOLION CYMRAEG

Cynhelir y

GYNHADLEDD FLYNYDDOL

Yn Neuadd Pantycelyn
Coleg Aberystwyth

10.00 – 5.00

Sadwrn,
1af o Orffennaf, 1978

I annerch am 2.30:

Mr. Tecwyn Ellis

a

Mr. W.J. Phillips

ar

POLISI IAITH
PWYLLGORAU

ADDYSG GWYNEDD
A DYFED

oesair

22

1. S:
(7)
n mynediad (5)
wd (5)
n arw (7)
ola'r Beibl (9)
air awr ar hugain (3)
main o ddŵr yn uno
a mwy (6)

14. Prydiau (6)
17. Rhagor (3)
18. Heb fawr o hyder (9)
20. Rhyw greadur (7)
21. Y rhai a groesodd (5)
23. "Hel a diadell
Yw camp hwn yn y cwm
pell" (5)
24. Ymlusgiaid main hir (7)

I LAWR:

1. Hylif coch bywiol (5)
2. Ddim cystal â'r gorau (3)
3. Cymhennu (7)
4. Eithaf doniol (6)
5. Gorchymyn i un i ddod (5)
6. Disgrifiadol o'r ddawn i wneud rhywbeth o ddim (9)
7. Adeiladwyd un o'r rhain "gan dlodi" ac "nid cerrig ond cariad yw'r meini" (7)
11. Cwtogiad (9)
13. Defnyddiol i wybod y cyfeiriad (7)
15. Gwneud y gorau o rywbeth neu fodloni (7)
16. Portread! (6)
18. Sâl (5)
19. Ffres, heb fod o'r blaen (6)
22. Rhwbio saim ar rywbeth (3)

ENILLYDD CROESAIR Rhif 21:

Miss Mair Wyn Evans, Ty'n y Buarth, Brynrefail.

ATEBION CROESAIR RHIF 21

AR DRAWS:

1. Sgerbwd; 5. Llygod; 8. Ofera; 9. Dyweddio; 10. Cymanwlad; 12. Wal; 13. Pantri; 14. Cerdded; 17. Noe; 18. Teilyngdod; 20. Arswydo; 21. Wyneb; 23. Tlodi; 24. Darogan.

I LAWR:

1. Sionc; 2. Ebe; 3. Blaenwr; 4. Didoli; 5. Llewod; 6. Goddiweddyd; 7. Dioglyd; 11. Manteisio; 13. Pendant; 15. Emynwyr; 16. Dim ond; 18. Twyni; 19. Diben; 22. Nag.

Cyfrir y llythrennau canlynol fel UN llythyren:

ch; dd; ff; ng; ll; oh; rh; th.


Gwobr o £1 i'r ateb cywir cyntaf a dynnir ar ôl i'r holl gynigion ddod i law. Anfoner y cynigion fel arfer i: Myrddin Owen, 32 Stryd Fawr, Llanberis.

YN EISIAU

A oes rhywun eisiau gwared o hen biano? Byddai genod Ffatri'r Glyn yn ddiolchgar iawn o dderbyn neu brynu piano mewn cyflwr gweddol dda. Ffôn y Ffatri: Llanberis 622; neu ffonio Llanberis 409
Clwyd grisiau (un i atal plentyn bach rhag mynd i fyny ac i lawr y grisiau) Ffôn: Caernarfon 3719.

AR WERTH.

Sied bren, 6'x6'x7' gyda
mainc weithio: £45.
Williams, Ffôn: Bangor
51677.



CHWARAEON

Wyth Cap i Gymru

Yn rhifyn Mehefin '77 o'r Eco, mewn braslun o hanes Clwb Pêl-droed Llanberis fe gofiwch i mi gyfeirio at y diwedd Dr. R.H. Mills Roberts, gan grybwyll ei gyfraniad i'r Clwb yn y dyddiau cynnar hynny. Sylweddolais ar y pryd nad chwarae-wr cyffredin mo hwn, a bod profiad llawer helaethach ganddo o'r gêm na'r mwyafrif o'i gyd-chwaraewyr. Mae'r hen ddarlun a welir isod, a'r hanes amdano, drwy garedigrwydd y Parchedig Herbert Thomas, Llannor, yn cadarnhau fod hwn yn wir yn un o sêr disgleiriaf pêldroed Prydain gyfan yn ei gyfnod.

Darlun ydi o o un o'r timau lleol fyddai'n chwarae yn y gystadleuaeth flynyddol ar gae Llanberis ddiwedd bob tymor, ac fe'i tynnwyd rhywro tua 1906.



Y dyn mawr mewn crys gwyn sy'n sefyll ar y chwith ar ben y step a'r cap ar ei ben oedd y Doctor, ac wrth ei ysgwydd, ychydig y tu ôl iddo mae ei bartner, y Dr. Morris.

Yn y llun hefyd mae tri clerc o Swyddfa'r Chwael, Gough Owen, Bryndu, Bertie Williams, Muriau Gwynion a Jones, Heulwen. Y dyn y gôt law a'r het ar ei ben oedd C. Madoc Jones, athro yn ysgol Brynrefail, — aeth yn ei flaen i fod yn brifathro Ysgol John Bright, Llandudno. Ni wyddys pwy arall sydd yn y llun. Oes rhywun all ein hysbysu? Ond i ddod yn ôl at y Doctor. Brodor o Lan Ffestiniog ydoedd. Fe'i penodwyd i ofalaeth ysbyty'r chwael tua 1893 ac yn Hafoty, Dinorwig y gwnaeth ei gartref cyntaf yn yr ardal. Symudodd oddi yno i fyw yn y Grosvenor yn Llanberis.

Yn nhîm pêl-droed Preston North End neu 'Proud Preston' fel y'i gelwid yr adeg honno y gwnaeth ei enw. Hwn yn amlwg oedd tîm gorau Cynghrair Lloegr

ar y pryd a bu Dr. Mills yn cadw gôl iddynt am dymhorau lawer. Colli o 2 gôl i 1 yn ffeinal Cwpan Lloegr yn erbyn West Brom fu eu hanes yn 1888, ac ennill y Cwpan y tymor dilynol yn erbyn Wolverhampton Wanderers o 3 gôl i ddim. Mae'r ffaith na sgoriwyd yn eu herbyn mewn unrhyw gêm gwpan y tymor hwnnw na chwaith golli yr un gêm gynghrair yn fesur o allu'r golgeidwad.

Enillodd hefyd wyth cap i Gymru rhwng 1885 ac 1892, cyn rhoi'r gorau i'r "Big time" ac ymuno â thîm Llanberis.

Mae hanesion lu yn aros yn yr ardal amdano ac nid yn unig am ei fedrusrwydd ar y cae pêl-droed nac ychwaith yn yr ysbyty. Cofir am yr haf gwlyb hwnnw, tra'n byw yn Ninorwig, iddo feiddio cario ei wair ar y Sul, — pechod anfaddeuol yn yr oes honno.

Gadawodd Lanberis ar ddechrau'r rhyfel yn 1914 ac yno y mae stori'r meddyg rhyfeddol yn gorffen cyn belled ag y mae'r ardal hon yn y cwestiwn.

TÎM DAN 18 OED LLANBERIS

Chwefror 25 (yn y bore)
Llangefni 3 Llanberis 4

Bu bron i Llangefni atal ymdaith yr hogia tuag at rownd derfynol Cwpan Pant y Fedwen am y trydydd tymor, a hwy aeth ar y blaen ym munud cynta'r gêm gan ychwanegu at eu sgôr yn fuan wedyn. 'Doedd dim torri calon ar yr hogia serch hynny, ac erbyn yr egwyl daeth Gareth Williams a Bryn Hughes â hwy yn gyfartal. Llanberis aeth ar y blaen yn yr ail hanner, ac er i Llangefni ddod yn gyfartal eto, ac i A. Lambrecht yn gôl Llanberis gael ei anafu a gorfod iddynt chwarae a deng

dyn, llwyddodd Gwyndaf Jones i sicrhau eu lle yn y rownd nesaf.

Chwefror 25 (Yn y prynhawn)
Cwpan Gogledd Cymru
Benllech 7 Llanberis 0

Na — 'does dim camgymeriad yn y dyddiad, 'roedd yn rhaid chwarae'r ddwy gêm cyn diwedd y mis, a dyma'r cyfle cyntaf a gynigwyd iddynt gan y tywydd.

'Does dim rhyfedd felly iddynt golli mor drwm, ond trueni fod pethau wedi troi allan fel y gwnaethant gan fod siawns da y byddent wedi curo Benllech o dan amgylchiadau gwahanol.

Pêl-droed

Y tywydd fu'n fuddugol y mis diwethaf yn hanes ein timau pêl-droed, methwyd â chwarae ond un gêm Gyng-hrair — Llanberis yn colli'n annisgwyl i hogiau'r Brifysgol ym Mangor. Gemau Cwpan fu'n dwyn eu sylw y Sadwrn diwethaf, ac mae'n amlwg yn barod fod cyfnod prysur yn wynebu'r ddau dîm cyn diwedd y tymor, gorfod chwarae dwy neu dair gêm yr wythnos.

Dyma fel y mae tabl y Gynghrair yn ymddangos ar hyn o bryd, a Llanrug a Llanberis ymhell ar y blaen.

	Ch	E	C	Cyf	OB	YE
Llanrug	16	14	2	0	64	14
	Pwyntiau: 30					
Llanberis	17	13	3	1	65	21
	Pwyntiau: 29					
Talysarn	21	10	4	7	48	47
	Pwyntiau: 24					

Chwefror 25: Cwpan Ganolradd
Gogledd Cymru 4ydd Rownd.

Yr Wyddgrug 1 Llanberis 1

Gêm galed iawn, a chefnwyr Llanberis yn ennill marciau llawn am sicrhau ail chwarae yn Llanberis. 'Roedd hogia tal, cryf yn nhîm yr Wyddgrug, a deallusrwydd da rhyngddynt. Ond llwyddodd yr amddiffynfa i'w cadw allan hyd at chwarter awr cyn y diwedd.

Er fod colli Dick Parry, sydd wedi ei anafu, yn amlwg yng nghanol y cae, ni ildiodd yr hogia, a daeth Selwyn Allsup â hwy yn gyfartal, gan rwydo oddi wrth gic rydd gan Islwyn Jones.

Chwefror 25
Cwpan Iau Gogledd Cymru
Sed Rownd
Llanrug 2 Abergele 2

Gêm gyntaf Llanrug ers Ionawr 24, a'r gêm gwpan yn cael ei chwarae ar y trydydd cynnig, ac ni chawsant fawr o amser i setlo. O fewn 3 munud 'roedd Abergele ar y blaen gyda gôl gan M. Snelson ac o fewn 2 funud 'roedd y sgôr yn gyfartal eto — B. Pitts yn sgorio i Lanrug.

Dechrau cyffrous i gêm a barhaodd yn gyflym a llawn cyffro tan y diwedd. 'Roedd blaenwyr Abergele yn gyflym ar y bêl, a chael a chael yn aml gafodd amddiffynfa Llanrug i'w rhwystro rhag sgorio — ond methu a wnaethant ychydig cyn yr egwyl — symudiad da ar hyd asgell dde Abergele; y bêl yn cael ei chroesi'n isel, a'r hen chwaraewr profiadol R. Romain yn taro'r bêl i'r rhwyd i roi Abergele ar y blaen o 2-1.

Yn yr ail hanner, Llanrug oedd y tîm gorau ac amddiffynfa Abergele yn cael gwaith caled i gadw blaenwyr Llanrug rhag torri trwodd, ond 'doedd gan eu gôlgeidwad ddim siawns i ddal ergyd galed gan P. Roberts i ddod â'r sgôr yn gyfartal. Bydd yr ail chwarae yn Abergele mewn pythefnos.

Rygbi Ysgol Brynrefail

PARHAU mae brwdfrydedd hogia'r bêl hirgron, ac ar waethaf rhew ac eira Chwefror llwyddasant i chwarae dwy gêm. Yng Ngholeg y Santes Fair, Rhos-on-Sea fu'r gyntaf, a'r canlyniad yn un calonogol dros ben, gêm gyfartal, 10 pwynt yr un. Gwelwyd dau gais da gan Tony Jones a Wyn Evans, a llwyddodd Owain Griffiths i droi un ohonynt.

Siomedig fu canlyniad yr ail gêm, yn erbyn tîm o Ysgol Dyffryn Ogwen, oedd yn cynnwys o leiaf pump sy'n chwarae i dîm y pentref, ond mewn cystadleuaeth a chwaraewyr o'r safon yma y mae'r gobaiht gorau i wella, ac mae'n glod iddynt na fu'r sgôr o 0-16 yn gyfrwng i leddfu eu brwdfrydedd.



Tîm Rygbi'r Ysgol, a'u hyfforddwyr, Mr. Howyn Jones a Mr. Iwan Williams.

TÎM Y GYNGHRAIR

Mae Howyn Jones, Rheolwr Tîm Llanrug, wedi ei ddewis i reoli tîm y Gynghrair ar gyfer y gemau Cwpan Tucker eleni. Dewisodd 26 o chwaraewyr gan gynnwys 8 o Lanrug a 4 o Lanberis. O dîm Llanrug mae N. Hardwidge; K. Jones; P. Roberts; L. Padmore; G. Owen; D. Owen; B. Pitts a Hefin Jones.

Iwan Evans; R. Harding; Gwilym Williams a Gareth Williams sy'n cynrychioli Llanberis.

Bydd Howyn, ar ôl ymarfer efo'r 26 ddwywaith neu dair, yn dewis carfan o 13 ar gyfer y gystadleuaeth.